

# Kiraisiho Jonihoai Piwiha Ausaimana Kaundisiha

## Kiraisiho Jonihoai Wapa Noaipaitandihaiwaapi Piwiha Ausaati Kaundati Nunjataise

### **Kimandi Utipimandi Piwiha Ausaimaninjitimandapi Piwiha Nesipihande**

Utaaho wo komi ambipati Joniho kimandi utipimandi jipatipiyahande. Autaahaatihomi isihyaami jihimatohiyihyaapi gwinyaataati Awaisiho Jisaasihomi otipipatiho Joniho kimo utipimo jipatipiyahore. Kimo utipimo jipatipaisura isihya Romihyaami gamaniho Autaahaatihomi isihyai tiwati ipihatisati naanjihaiwa ambipati yaawihaiwa nehohura jipatipiyahande. Joniho kima piwima jipatipiyataise kiya piwima atisawaawi andititiwi ami kiyaami maariho ambipati mbwaati yatihitanihi windi kaiwaapi timaamahiyawi andititiwi bitoaitaatiwo. Ko kimaiwaapi kaundati jipatipiyataise. Autaahaatihomi tiworisaisi ipotihura nusoaipaitandihaiwaapuni ami Autaahaatiho komi isihyai kiyausepaati numwaati aunahipati gaahati numwitandihandapuni Joniho kataunjati utipihohore kimo jipatipiyataise.

### **Kima Ausaimaninjihaapi Utipimandapi Napimasataise**

Jonihohore isihyai ipihirete gaahure undati komi piwiha namasisiha (1:1-6)  
Jonihohore yapepatamatiyahanda Awaisihoai iwinjasihohore ami Awaisiho piwiha  
kaundati nunyataise Autaahaatihomi isihya aunahipihaiwa  
7 kiyahaiwaara bimohiyihyaapi notaise. Aihohore ami Jonihohore ka  
netati kanyatindihandapiha (1:9-3:22)

Jonihohore yapepatamatiyahanda mmonata Awaisiho utipihohore wo anitihohore  
wisasiwihohore nesipati nupwiyaasihohore naanjihaiwa  
kahatimatipetahaiwa yapipataapihi noaipasitihandapiha  
(4:1-8:1)

---

### Pwiha Jihi Nuwati Nesipati Katisihaare

**1** <sup>1</sup>Kima piwima wapa jihura windi motinati ami atihominihapaapi Autaahaatiho ausaimanati Jisasi Kiraisihoai neti nunjati ausaimanataise. Siyati piwiha sa Autaahaatiho neti Jisaasihoai nunjataise ami Jisaasiho netati wapa keti noaipaitandaimbapaapi Autaahaatihomi isihya nahatiya Jisaasihopi giwunyaahohiyihiyai kaundati nunjitando. Aihi Jisaasiho komi enjeriho itipihho otipipatihoai nini komi nehi otipipatihonini Jonihonisaapihhi neti natausaasihi nasati piwiha kima kandataase. <sup>2</sup>Aihi nini Jonihonini saiwa nahatewa mmoniti atindi nehohiwaiwaapi nini ausaati Autaahaatihomi piwiha akitihaare ndi kandaato. Aindi ami nini Jisaasihopi komi piwiha ningi kandati nanisisiha akitihaare ndi ausaati kandaato. <sup>3</sup>Kima piwima nini atindi neti ausaati kandi jipatipiyohima isihya awitohiyihya maaritiwise ami kiyaisi Autaahaatiho gaahati kawitaiso. Iyataati ami kiya awitisaihi isihya usa piwiha kimika atiwi nepi japepihirohoyihya maaritiwise ami kiyaisi Autaahaatiho gaahati kawitaiso. Sandi apaapimaato ami windi otihimetanihi kimaiwa katiwimaiwa nahatewa noaipaitandiha asisiha aimi detitihito.

### Jonihho Isihya Aunahipa 7 Kaiwihaiwaara Bimohiyihyaapi Piwiha Jipatipiya Nusoaasataise

<sup>4</sup>Nini Jonihonini sahi Autaahaatihomi isihyaati aunahipihaiwa ikwi wihitiritihi wihinirami yahuritahaiwa 7 kiyahaiwaara yapipati Piropinjihandi Esiyaahanda bimohiyihyaatapi utipihho kimo nusoaasataayo. Autaahaatiho aimi aimehurauni ami wani kimurauni bimaami napsiho ami ipoti ipotisangisi konihi bimaami nutandihho sangisi gaahati kasisati neti watipisamati ami sami maariho ambipati neti napaisaatisamane. Iyataati ami Autaahaatiho bimimbipihhi komi itipihho ikwi wihitiritihi wihinirami yahuritaho 7 kiyaho yamihapataatihi Autaahaatihomi ndimaahomwaaari bitosihoaisangi ami sangi gaahati kasisati neti watipisamati ami sami maariho ambipati neti napaisaatisamane. <sup>5</sup>Ami Jisasi Kiraisihoaisangi sangi gaahati kasisati sami maariho ambipati neti napaisaatisamane. So Jisasi Kiraisiho Autaahaatihomi piwiha nahata titihi nga biyati ausaati katati ami animwaaahpatombi jihi namasati nepasiho ami kimiko awaisawihya kinjhiya yapimbataapihhi jatohiyihyaami Awaisiho Jihoematati kiyai iwinjatisihore.

Ami kimiko nyangi komi maariho biyati nanyinyahore. Maariho nanyinyati ko maipihaiwaatihapi nyangi nuwati nanyamaati ami ko sawahomi jitipataahi nyami maipihaiwa nahatewa nenyamataise. <sup>6</sup>Iyati ko nyangi neti Autaahaatiho nyainjatitandihyaanenyamataise.

Iyati ami komi Sapiho Autaahaatihomi otipipati nahataapa isihyaapi kawitihahiyaanini pirisihyaanenyamataise. Ami nyahi komi otipipati isihyaapi aunahipati newaati kawitihawo. Iyaati nyahi Jisasi Kiraisihoai ambipati awaipati numwitihawo ami ko ambipati awaipati jinjapihi jinjapihi nepi nutando. Ko konihi isihyaisuni kahapaamapipa nahataapaisuni iwinjatimi notaise. Ami sandihi Akite! Akite!

<sup>7</sup>Jasawise! Awaisiho yamihapataatihiraapi tiwipatisati taati napitaiso. Taati nasonihi isihya nahatiya kiyaami ndihaara iwinjaitaapo. Ami isihya koai yaawihandi nunyawu tipi muhohiyihyaisangi iwinjaitaapo. Iyonihi isihya yapihhi nahandaahiya kopi kiyai ipotiwausehonihhi waati natiwi nepatiwi gwitaapo. Ye! akitisi sikireti sikaimatitaise!

<sup>8</sup>Autaahaatihu Awaisiho sandaase: “Nini Naasoninihhi Jihoninindi ami nini Naasoninihhi ipotihonini bindataayo. Nini jihhi aimi bimaati ami wani bimaati ami ipoti napitandihonine. Aindi nini watipihaiwa nahatewaisahonine,” ndaase.

### Jonihho Utaaho Kiraisihomatiyahoai Usonataise

<sup>9</sup>Nini Jonihonini sami naisohonini nyahi Jisaasihomihyaanimatotihanda isihya nyangi ambipati maariho yaasihaiwa nanyinyohiwaiwaara sangisati maasindaayo. Ami nyangi Autaahaatihu nyainjatihi ami isihya yaasihandi nanyinyauhihandi kandi kiyaaninihhi andititaati bitopi nyohiyihyaanamihonine. Saindi kimaiwaatihhi sangisatitohihonine. Isihya nepi yapihonji masihonji durihirami otihaati ahelihonjaatihhi ahinisawaayopo. Konjami ambipati Patimosihande. Ami sandi sanisotimandi apaapimaahe, ami Autaahaatihomi piwihaapindiwuni ami Jisaasiho katati kaiwaiwaapi nini sandi akite ndi piwiha ausaahonihe. <sup>10</sup>Aihhi Awaisihomi asisiheti<sup>a</sup> Itipihho nisiheti waati nanoaipasihhi ami nisi maarihomi ndiha nanorihataataise. Aihhi nini atisata nisi dawaataatapi piwiha wa waati waapihinati kapaparihiri gaatipamatiyati ganati noaipataise. <sup>11</sup>Aihhi ka piwiha ningi sandati kandataase. “Kinyi sapa nahataapa mmonihingipipa utipihoaatihhi jipatipaambi Autaahaatihomi isihya aunahipihaiwa ikwi wihitiritihhi wihinirami yatimuritahaiwa <sup>7</sup>kiyahaiwaaraahiyaapi jipatipaime: Epesahandaahiyaapi, Simerinaahandaahiyaapi, Pekaamaamihandaahiyaapi, Taiyatairaahandaahiyaapi, Saritishandaahiyaapi, Pirateripiyaahandaahiyaapi,<sup>b</sup> ami Reotesiyaahandaahiyaapi jipatipaime,” ndataase.

<sup>12</sup>Aihhi nini nepemaititi yapepataahamataindi utaaso diyaamahondise ndi jata sisiha raamihandi wapa kapopi ahotati mihotinditandi

<sup>a</sup> 1:10 Sura Sandehuraapise. <sup>b</sup> 1:11 Kimati ambipati Pirateripiyaahandami tanyaaha siyate: naisihya maariho naminawaayopo tatise.

nimaatarihatima gorihanda kaiwihatima 7 kiyahaiwa ahotihi mmonataayo. <sup>13</sup>Aihi saiwa sisiha ramihandi mihotindiwimaiwaami otihapihi Isihiyaami Saaho Jihimatisihomatiyaho noti nasayati bitosihini nini iwinjataayo. Ko apotihiri utarihiri mihaatapi kirinihi mihaapi auhiri atasaha nimbimaasati nipaatahore. Iyati ami utihiri wiri gorihanda kaiwihiri tausandihaapihi wisasanati nipaatahore. <sup>14</sup>Iyati ami komi mitiho misisiha tiwipati kihoepihandamatiyati apipaahi kihoepitamahore. Iyataati komi ndiha sisihaami tihwitihiramatiyati tihwitisahore. <sup>15</sup>Iyataati ami komi auhiri apipaahi nausaatahire ainihiri metorihandi windi bironjihandi sisiha watipihara tihauhi yapipati ikwaatipihoni owetati waati biyati nausaatipatamatiyato. Iyati ami komi piwiha waapihaati taahaamaatami norihiri nausihaamatiyati gandaase. <sup>16</sup>Iyati ami komi ikwiri gaatihira kaumbwaati ikwi wihitiritihi wihinirami yahuritahaiwa 7 kiyati isiwataaise. Aihi ami namatanaati kosasihiri wihiwihooani naitipundahiri komi maahomwaaapi nasati nimanati ahondaise. Iyataati ami komi ndimaahomwaaapi waati nausaatataise ipiho waati ipindaati awaindi nausaatipatamatiyato.

<sup>17</sup>Nini saindi koai usonitimapi awaindi yaindi komi auhiri atasihaapihi timahiyati napomataahonisamataindi ahondaayo. Aihi ko komi ikwiri gaatihira niwati ningi sandataase. “Kinyi windi yamaime. Nini jihuni ipotuni bimohihonine. <sup>18</sup>Nisopi mmonime. Nini jihura napomatati japihi nepati asohonimandi koninihi nasisoaari bindataayono Aindi ami nini asohonini koninihi nasisoaari bimohihonine. Aindi ami nini isihiya napwitaatiwihandamuni ami aunahipati isihiya aimi napohiyihya nuwi bimohipatamuni kihiri ami watipihandi isiwataataayo. <sup>19</sup>Isi ami Kinyi kimba mmonihingipimbaapi jipatipaime. Aimi wani ahotimbapaapuni ami kimandami ipoti noaipaitandihapa mmonihingipimbaapi ahoyapi jipatipaime. <sup>20</sup>Kaumbwaati 7 kiyahaati nisi ikwi gaatihireti ahotisaamimaatuni ami sisiha raamihandi mihotinditandihaiwa gorihanda kaiwihaiwa 7 kiyahaiwauni mmonihingiwimaiwaami tanyaaha siyate. Kaumbwaati 7 kiyamaiwa enjerihya isihiya aunahipa 7 kiyahataahiyai iwinjasotihandapi sandi namihanate. O ami sisiha raamihandi 7 kiyahaiwa mihotindindimandi isihiya aunahipati 7 kiyahaiwaaraahiyaape,” ndataase.

#### **Autahaatihomi Isihiya Epesaasihandaahiyaapi Piwiha Notaise**

**2** <sup>1</sup>“Ishiya Kiraisihopi giwunyaahohiyihya Epesaasihandaahiyai winjatisiho itipihoni enjerihopi kinyi jipatipaime. Piwiha siyahaapito. ‘Nini nisi ikwiri gaatihiraihoani kaumbwaati ikwi wihitiritihi wihinirami yahuritahaiwa 7 kaindahaiwa isitihonine. Aindi ami nini sisiha raamihandi gorihanda kaiwihandi ikwi wihitiritihi wihinirami yahuritahaiwa 7 kiyahaiwaami otihatihini daindi bitondaayo. Saindi

nini bindataahonini piwiha kima kinyapi nusoasataayo. <sup>2</sup>Kinyi kaingiwaiwaapaahi aimi nini mmoniti neti gwinyaatihonine. Aindi ami kinyi dipiwaasanipi kaingiwaiwaapisangi aimi mmoniti gwinyaatihonine. Iyataati ami kinyi andititipi bitotapa isihiya usa saiwi maipihyaapi windi maarimitipihonitinihi gisoho. Iyataati ami isihiya siya gisi sahitawaapo. “Nyangisangi Aposerihyaanane,” hitiwi jaiwitauhi ami kinyi kiyaisi nepi baimbi tipitapaapi usonapa kiya jaipitihyaatiji usonapaise. <sup>3</sup>Kinyi nisi ambipati anitimbi isiwatinihi isihiya gisonawa kandapi ambipati yaasahaiwa nahinyauhahandi kandi kinyi kaiwaapi windi yamaambi andititipi bitotapa kaiwa nepi otipipati pohimaambi kaingitihandapaahi aimi gisoniti gwinyaatihonine.

<sup>4</sup>Saimbi kainihandi kandi wonji kinyapi nini nitanataati piwiha sandi kahititandiyo. Kinyi wuwani namasapi nisapi ginunyaahingura sura ningisi maariho awaindihandi waati nanyinyapaise. O wani kimuraahi owetise. <sup>5</sup>Kinyi baimbi gwinyaape. Kinyi jihura gaahaiwa titihaiwa baimbi kiyapaise. O wani kimuraahi kinyi gaahaiwa kaingiwaiwa namapi aimi timihaise. Isi kinyi kaiwa namasisi japihi nepemaite. Aimi kinyi jiji gaahaiwa kaingipatamataimbi kaime. O kinyi saimbi kamaayapaapaahi nini gisaapihi napiti sisiha raamihandi sandi kinyiheti ahotisiha kinyihetapi neti nemaito. <sup>6</sup>Iyataati ami kinyi gaahati kaingipati siyapaise. Nikoraasihomihyaami kiyohiwaiwaapi kinyi windi maarimitipihonje. Aihi ami nisangi komihyaami kiyohiwaiwaapi windi maarimito.

<sup>7</sup>Isi utaaho atihirisahosi kima piwima Itipihohi Gaahohi Autaahaatihomi isihiya Kiraisihohi giwunyaahohiyihyaapi katisiha biyati atisati nene. Utaaho wo maapi yapipatambihaiwa tiworisaisi tiwati ipihatisiho soaisi nini gaahonje unditi ipati asitimatitahatami yandipihohi nannime undisanihi nandaise. Sati ipiti yamihapataatiji Autaahaatihohi bimimbipihohi osataati ahendaise,’ ” ndati kandataase.

### **Autaahaatihomi Isihiya Aunahipa Simerinaahanda Bimohiyihyaapi Piwiha Notaise**

<sup>8</sup>Utaaho kimiko jihaati ami sata kandataase. “Kinyi baimbi isihiya aunahipati Simerinaahanda bimohiyihyai iwinjatisiho itipihohi enjerihohi piwiha kima jipatipaime. Sa piwa siyahaapito. ‘Nini apipaahi Jihimatiti ami ipotimatiti bindataayo. Nini jihura aimi napotati ami japihi nepati asohonimatiti bindataayo. Aihi piwiha kima kinyapi nusoasataayo. <sup>9</sup>Nini kinyi naanjihaiwa kinyi ambipati yaasihaiwa nehingiwaiwaapaahi aimi mmoniti gwinyaatihonine. Aindi ami kinyi kahapaamapipa apipaahi owehonitinihi aimi gisoho. Saimbi owehonitapaahandi kandi ami kinyi kahapaamapipa apipaahi asaketahonje. Iyataati ami isihiya siya gisi sisipihitiwi nyahi Judaahyaanane tohiyihyaapaahi mmoniti gwinyaaho.

Isiya siya titihi Judaahiyaamaahe owetise Bwaasirihiramihiyaare. <sup>10</sup>Masi wonji bimambipi ambipati yaasahandi windi naitaise. Sandi yaasahandi nepaapi yaitaapimaahe owetise. Atime. Bwaasirihiri Kiramihiyai kaundonihiki kiya sami usaatangisi nepi tisapi nasapuwitaapo. Sandi sangi jaiwaiwi nasiseniwihaiwa kaitaapo kiya timihaitotiwo. Saiwa naanjihaiwa ambipa yaasahaiwa asisiha nehi 10 kiyahaiweti naitaapo. Saiwi naanjihaiwa newaahandi kandi Autaahaatihopi giwunyaahohitihandi windi namaamapi andititiwi giwunyaapi nuwi napowaahuraatitendo. Saisaihi ami nini asitimatitaatiwihandi nawihomataindi wihoanjanhandi sangisi nasamito.

<sup>11</sup>Isi utaaho atihirisahosi kima piwima Itipiho Gaaho Autaahaatihomi isihiya Kiraisihopi giwunyaahohiyihyaapi katisiha biyati atisati nene. Isi ami utaaho wo maapi yapipatambihaiwa tiworisaisi kohimatati tiwati ipihatisiho soaisi napwitaatiwihandi kapihandi 2 handi windi neti namausopisaisitaise. Apipaahi owetitaise ndataase.

#### **Isihiya Aunahipa Pegaamaamihandaahiyaapi Piwiha Notaise**

<sup>12</sup>Iyataati ami utaaho kimi ko sata kandataase. “Enjeriho isihiya aunahipa Pegamamihandaahiyai iwinjatisiho itipiho enjerihopi piwiha kima jipatipaime. Piwiha satipiha nusoase. ‘Nini namatanaati kosasaihanaati wihiwihooanapi nga otititi nga tipipa kiyahanaati utarihanaati isitihonine. Nini saindi sanaati isitihonini piwiha kima kinyapi nusoasataayo. <sup>13</sup>Aunahipati sati kinyi bimingimatapaahi aimi nini mmoniti gwinyaatihonine. Sati aunahipita Bwaasirihiri bindataati isihiyai winjatitandihate. Setihihandi kandi kinyi nisi ambipati namaamapi anitimpi isipi nisapi kinyi baimbi ginunyaapaise. Aimbami ami utaaho Andipaasihoai tiwauhihandi kandi kinyi nisapi ginunyaahingitihandi windi namwaasapihoje. Andipaasiho so nisapi biyati ginunyaati ami nisi piwiha anusoahoai sapihiki Bwaasirihiri bindataati tiwauhi napotaise.

<sup>14</sup>Siyataahandi kandi nini piwiha kimaiwa kinyapi nitandihaiwa sandi gi kahititandiyo. Sati aunahipati Pegamaamihanda isihiya usa yaihiya jihura Baaramihomi kaipatamatawi kaiwihiya bindawaayopo. Jihura Baaramiho Baarakihoi satipi kaunde undati jaipitaha kaundihi Isiraherihiya nahatiyai kiyaunjati nunjihiki ami kiya nandapa maahoipati autaahaatihu jaipitahopi tipihitihihapa nunyauhi naniwi ami kiho kihaatisawi ambipati naminiwi timaamaitiwi kaiwi maipihandaatihu timahiyawaayopo. <sup>15</sup>Isi wani ami kinyi aunahimatami otihatihu sikaiwihiya Nikoraasihomihyaamihireti japepihiriwiki kaiwihiya bindawaayopo. <sup>16</sup>Isi kinyi baimbi japihi nepemaite. O japihi namepemitapaapaahi nini keti napiti siya isihiyaisi namatanaati nisi maahomwaanji ahotinimanaata titimaito.

17“Isi Utaaho atihirisahosi kima piwima Itipiho Gaaho Autaahaatihomi isihiya Kiraisihopi giwunyaahohiyihyaapi katisiha biyati atisati nene. Utaaho wo nahataapa maapi yapipatambihaiwa komi tiworisaisi kohimatati tiwati ipihatisihoai nandapa biretihandi manaahandi noasandindihandi nini koai numwito. Aindi ami nawiha wa kihoepiha numwito. Nawiha seti ambipati wanihati jipatipaindi numwito. Nunyanihi ambiti satapi isihiya usa gimaawunyaata namausesipatitaise nehi sawaho sa nawa nesihohi giwunyaatati nusesipatitaise,” ndataase.

### **Piwiha Isihiya Aunahipati Taiyatairaahandaahapihyaapi Notaise**

18 Aihi ami utaaho naasiko jihaati satati kandataase. “Isihiya aunahipati Taiyatairaahandaahanpihiyai iwinjatisiho itipiho enjerihopi jipatipaime. Piwiha kima siyahaapito: ‘Nini Autaahaatihomi Mwaahonini nisi ndiha sisiha waati tihataati tihwitihiri waati tihwitipatamatiyahaare. Iyataati ami nisi auhirisangisi ainihiri metorihandi bironjihandi sisihaara tihauhi ikwaatipiho kipati tihati owetati biyati waati awaindihandi nausaatipatamatiyati nausaatati bousamahire. Aihi piwiha kima kinyapi nusoasataayo. 19 Nini kinyi kaingiwaiwa nahatewapaahi aimi mmoniti gwinyaatihonine. Kinyi nisapi ginunyaapi ami isihiyai anditiwiwitandihati kaambi ami naanjihaiwa nepaahandi kandi andititipi bitohinihi gisoti gwinyaaho. Kinyi gaahaiwa jihura kaingiwaiwaahi nga noaipasihi mmonataayo. O ami wani kimura kaingiwimaiwaahi jihi kaingiwaiwai nusatipihapi waati gaahaiwa kainihi noaipataise.

20 Saimbi kinyi nga kainihandi kandi nini piwiha kima kinyapi nitanitiha gi sandi kahititandiyo. Kinyi kimaati apopaati Jeseperihati nehi iwinjahinihi kaati gisati maasi bindataise. Saati apopaati satati ‘Nini Autaahaatihomi piwiha atindi neti ausaahohaamaanine,’ tati nisi otipipatihyai jaiwundati ambipati kiho kihaatisawi timaamaititaatiwihira kiyaunjati ami autaahaatiho jaiwitahoai nandapa tihwiwinyawihapa nandaatiwi kiyaunjahaate. 21 Kaati kaatami kaiwaiwa namasisi japihi nepemaititandi nehi winjahonihini kaati windi namepemaitati kaatinihi kaiwa maipihaiwa kiyati bindataise. 22 Isi atime. Nini kaati timbipa wapa numwito. Numwisanihi kaatami ambipati waati aungwohandi yaawati niwindaise. Iyonihini ami kaatisawi ambipati namininiwi timaamaihohiyihiyaisangi naanjati yaawihandi awaindihandi numwisanihi nepi kiyaami ambipati waati awaindihandi yaawati niwindaise ami kiya Jeseperihaatami kaiwaiwa namasisi windi japihi namepemaitawaawaaho. 23 Aindi ami kaatami mwaaya maatiyaisangi tiwisanihi napwitaapo. Saisanihi isihiya nahatiya usa nisapi ginunyaahohiyihiyaisangi mmoniwini gwinyaawaawi satiwi, ‘Ko isihyaami maarihoatihi ami kiyaami gwinyaahohiwaiwa mmonahoe,’ tiwi mmoniwini gwinyaitaatiwo. Nini sahi ninaasiyaati

wapa kiyohipipaapi ami kiyohirihiri kireti mmoniti jatetinjati ninaasiyaatangi wihoanjihapa nasamito. <sup>24</sup>Iyataati ami isihyaati usaati aunahipati Taiyatairaahanda bimohiyihyaate nini sangisi sandi kasatataato. Sahi apopaati saatami piwiha windi atiwiwi kaatamihireti minjapepihiropo. Aiwi ami isihya katawaawi satiwi 'Bwaasirihirami piwiha wiwa noaatihepi baahi noasandiwaiwo,' tohiwaiwa sahi windi atiwi mmoniwi nepi gimunyaapihyaate. Isi nini sangisi naanjasihandi samiheti ahisisati windi namaasamito. <sup>25</sup>Iyataahandi kandi sahi wani isiwashipipa windi namaamapi anitiwi kapaanihi isiwatimi nuwi nini napisanihuraatitande. <sup>26</sup>Isi ami utaaho wo yapipatambihaiwa tiworisaisi kohimatati tiwati ipihatisamati ami nisi gwinyaati maaritohirihireti japepihirati noti nahataapa apipaahi owetitandihuraatonihimi ami nini ko isihyaaisi winjatitandi koaisi wandiha ami watipihandi numwito. <sup>27</sup>Saisanihi ko andititati watipitati isihyaaisi iwinjaati bimitaise. Winjaati bindataati maapi yapipatambihya Autaahaatihomi isihyai tipi ipihaitotiwiyohiyihyai ko tiwati ipihatisati neti nosasitaise oniha yapipati naumbwinati nosasinati owetipatamatiyato. Ko otipipati kaitandihati numwitandi katohimati numwito ami Apiho Autaahaatihu nini otipipati kaitandihati ningi nanimipatamataindo. <sup>28</sup>Aindi ami nini kaumbwaati nipaatihaati asisahaatihu biyati nausaatati tihoaasamaati koaisi numwito. <sup>29</sup>Isi utaaho atihirisahosi kima piwima Itipiho Gaaho Autaahaatihomi isihya Kiraisihopi giwunyaahohiyihyaapi ausaati katisima biyati atisati nene.

### Autaahaatihomi Isihya Aunahipati Saritisihandaahiyaapi Piwiha Notaise

**3** <sup>1</sup>Utaaho kimiko piwiha ami jihaati satati kandataase. Aunahipati Saritisihanda isihya bimohiyihyai iwinjatisiho itipiho enjerihopi kinyi piwiha jipatipaime. Sa piwiha kinyi jipatipaambi nusoasitaapiha siyahaapito. Nini Autaahaatihomi itipiho 7 kiyahoaisahonine. Aindi ami kaumbwaati 7 kiyahaati nini isiwatataayo. Aihi nini kinyapi piwiha kima nusoasataayo. Kinyi kaingiwaiwa nahatewaapaahi ninihimi aimi mmoniti gwinyaatihonine. Isihyaahi kinyapi katawaawi ko asohoematati nga bindataati ami kandi ko asoho bimindihandapi ambipatisaho bindataise tiwi katawaahandi kandi kinyi aimi napomahise. <sup>2</sup>Kinyi kinyi naapipa namasisi japihi nepape. Nepapi Kinyi kaingiwaiwa nahatewa windi timaamahiyati ahotimbipa nepi japihi titihipi anditipi kaime. Sandi kahitotimandi apaapimaato kinyi kaingiwaiwaami wapa nisi Autaahaatihomi ndiheti biyati gaahapa titihapa windi namwaipasihito. <sup>3</sup>Kinyi piwiha gaaha aimi atimbi nehingiha ka japihi baimbi gwinyaapi isiwatapa piwiha katirihireti japepihiripi maipihaiwa namapi nepemaite. O ami kinyi naapipa namasisi japihi namepemaitapaapaahi nini keti



kuraanihi ikohiya ikondaatiwi nasohiyihiyaamataindi gisaapihi napito. Iyataati kinyi nisi napitandihuraapi windi monipi windi gimunyaitaise.

<sup>4</sup>Iyataahandi kandi isihiya usa yahonya, kiyaami uti apotihirisi windi nepi kimaamapihiya yaihiya Saritisihanda bindawaayopo. Isiya siya gaahaiwa kaiwihyaare. Isi isiya siya apotihiri gaahapa kihoeiphapa niyopi ningisawi maasi daiwi bimitaapo. <sup>5</sup>Isi ami utaaho wo nahataapa maapi yapipatambihaiwa komi tiworisaisi kohimatati tiwati ipihatisihoai apotihiri siri kihoeipiri nini neti kiyaamataindi koai niwisoti niwipaito. Aindi ami nini komi ambipati utipihandi asitimatiwi jinjapihi bimitaatiwihyaami ambipati ahotindihandaatihapi windi nahusaumwaamaito. Owetitaise. Aindi ami nini komi ambipati nisi Apihomi ndihetuni ami komi itipihya otipipatihya enjerihyaami ndiheti awusoaito. <sup>6</sup>Isi utaaho atihirisahosi kima piwima Itipihho Gaaho Autaahaatihomi isihiya Kiraisihopi giwunyaahoyihiyaapi ausaati katisima biyati atisati nene.

### Isihiya Piraateripiyaahanda Bimohiyihiyaapi Utipihho Notaise

<sup>7</sup>Utaaho kimiko piwiha jihaati satati kandataase. “Kinyi piwiha wiwa Autaahaatihomi isihiya aunahipati Piraateripiyaahanda bimohiyihiyai winjatisiho itipihho enjerihopi jipatipaime. Piwiha siyahaapito. ‘Nini apipaahi akitinihi Autaahaatihomihaiwaahihhi napaititi kaindahonine. Aindi ami nini Autaahaatihomihonini apipaahi akitihonine. Aindi nahataapa akitihapaami tanyaahonine. Nini Daawitihomi kihiri isitihonine. Isi nini wapaami maasomwaaŋi nutosisanihi wo nga neti windi namaapuwitaise. Aindi ami nini wapaami maasomwaaŋi naputosisanihi wo nga neti kamwaaŋi windi nuwatimositaise. <sup>8</sup>Nini kinyi kaingiwaiwaahi nahatewa aimi mmoniti neti gwinyaatihonine. Isi atime! Nini kinyapi kinyi ndimaahomwaaŋi maasomwaaŋi nutosonihi nundataise. Isi utaaho wo nga neti japihi windi namaapuwitaise. Kinyi kinyi watipihandi anditititaapihandi maipihonji ahingisetihi nini aimi gisoniti gwinyaaho. Iyataahandi kandi kinyi nisi piwiha atimbi niwatipi ami baimbi japepihiripi ami kinyi nisi ambipati windi nepi namaanoaasise. <sup>9</sup>Isihiya siya satiwi nyahi titihi Judaahiyaanini Autaahaatihomihiyaanine tohiyihya siya jaiwihitawaatopo. Kiya Bwaasirihiramihyaaso. Isi atime! Nini kiyaisi neti nandusoasisanihi kiya napiwi kinyihini kinyi auhiraapihi napiwi atotipiwesitaapo. Iyonihi kiya nisapi satiwi saiwi ko Autaahaatiho Jisaasiho kiyaisi maariho nunyati ami maariho wiwuwataise tiwi mmoniwi nepi gwinyaitaapo. <sup>10</sup>Kinyi nisi piwiha baimbi atimbi nepi anitimbi japepihiripi isiwatapaise. Piwiha isiwatapaapi naanijhaiwa nangisenahaiwa noapisaiwaiwai andititipi bitotapa nepi ipihatimbimapaise. Isi ami ningisangisi gisi ginjatiti anitindi giwatito. Anitindi giwatisanihi nasenahaiwa saiwa

isihya yapihhi nahandaahiya nahatiyai nunjenati nusoaipaitandihaiwa gisaapihi windi namangoaipaitando. <sup>11</sup>Nini gisenda keti kuraanihi napito. Isi kinyi isiwatingiwaiwa anitimbi isiwate. Ami kinyi piraisihandi wihoaanjhaiwa utaahe wo namaanjidati windi namangaito.

<sup>12</sup>Isi ami Utaaho wo nahataapa maapi yapipatambihaiwa komi tiworisaisi tiwati ipihatisamahonaahi nini koaisi neti yasiha mihotirihiremati mihotito ko noaipati nisi Autaahaatihomi anjanami yasiha watipihaimatitando. Saindi neti yasihemasanihi ko windi Autaahaatihomi anjhandi namasi noaipati namutaise. Apipaahi owetitaise. Aindi ami nini komiheti nisi Autaahaatihomi ambipati jipatipiwindosito. Aindi ami nisi Autaahaatihomi aunahipatami ambipati komiheti jipatipaindosito aunahipati wanihati Jerusaremihandi nisi Autaahaatihooapihi yamihapataatihapi namasi maapi noaatipasipato. Aindi ami nisi ambipati wanihatisangi komiheti jipatipaindosito. <sup>13</sup>Isi utaahe atihirisahosi kima piwima Itipihoo Gaaho Autaahaatihomi isihya Kiraisihopi giwunyaahohiyihyaapi ausaati katisima biyati atisati nene.

### **Kiraisihomi Isihya Aunahipati Reotesiyaahandaahiyaapi Utipihoo Notaise**

<sup>14</sup>Utaaho kimiko naasiko piwiha satati kandataase: “Kinyi piwiha wiwa isihya aunahipati Reotesiyaahanda bimohiyihiyai winjatisiho itipihoo enjerihopi jipatipaime. Iyataati piwiha sa siyahaapito. “Nini Autaahaatihomi piwihaapuni ami ipoti wapa kaitandi jihi timanati piwiha watipitati wisasisihaapuni, ‘akite,’ ndi kandihonini titihi akitihaamihonine. Aindi nini Autaahaatihomi piwiha nahata titihi nga baindi ausaati ami Autaahaatihopi akititimbipa ausaimanotihonine. Autaahaatihoo nisihetapi kahapaamapipa nahataapa ahaimbipaami tanyaahonini awaisihonini piwiha kima kinyapi nusoasataayo. <sup>15</sup>Kinyi kaingiwaiwa nahatewa nini aimi mmoniti gwinyaatihonine. Kinyi windi tahaanjonimetipuni ami windi mbwahanjonimetinihi nini aimi mmoho. Kinyi tahaanjiwo ami mbwaapo saimbi bimitaapi nini maaritataayo. <sup>16</sup>Iyataahandi kandi kinyi goti masihonji tahaanji dihimatataise. Ami kinyi windi tahaanjiwo ami windi mbimwoahise. Kinyi sainihi nini gisi nisi maahomwanaanji kwahindi dauti noahimaito. <sup>17</sup>Kinyi satapaase: “Nini nawihoo ami ikipipa apipaahi asaketahonine. Nini wapaapi windi nenoahimeto,” tapaase. Satapaahandi kandi kinyi apipaahi mimaipaimbi isaimbi bindapaise. Isihya usa nga kinyapi kiyaami maariho asipihitaatiwihamwanaanji bindapaise. Kinyi apipaahi ikipipa wapa owehonji ami kinyi ndiha niyotahonji ami somaahihonji bindapaise. Saimbi bindapaahandi kandi nini setahonine tipii kinyi kiwahonji sandapi windi motinipi gimunyaahise. <sup>18</sup>Aihi ami nini gisi piwiha kima kinyi gwinyaitaapiha kahitataato. Nisi gorihandi sisihara tihati ikwaatipihoo wapa maipihapa namihatimbipa tihati nemase. Isi nisi

gorihandi sandi nawiho naninyapi kinyi nepe, kinyi noaipapi wapa akipipa gaahapaisahonjitaapo. Aimbimi apotihiri kihoepehiri titihi gaahiri nepi niyope somaahihonji bimimisamihimi isihiya windi maahisosaihi windi mamaasitando. Aimbimi marasiniho ndihaapiho nawiho naninyapi nepe. Nepi ndihoti ahiyaposapi nga baimbi jaitaapo. <sup>19</sup>Ami nini isihiya usaisi maariho nunyataataahi kiyaisi itihunditi kiyaami kiyohiwaiwa neti titihemwahonine. Isi ami kinyi kiwahonji andititipi kinyi kaingiwaiwa nepi titihematipi kinyi maipihaiwa kaingiwaiwa namasisi nepemaite. <sup>20</sup>Atime! Nini maasomwaaŋji bitondaati taati titi kwitiwataayo. Isi utaaho wo nisi maahomwaaŋji atisataati maasomwaaŋji nisapi nuhonaahi ami nini nandaati koaisati maasi bimito. Koaisati maasi nandapa nainjanihimi ami ko ningisati maasi nandapa nandaise. <sup>21</sup>Isi ami Utaaho wo nahataapa maapi yapipatambihaiwa komi tiworisaisi kohimatati tiwati ipihatisataataahi ko ningisati yamihapataatihimi nini bimohipipihimi maasi bimitaise. Siyati nini jihura nisi tiworisaisi titi ipihatindimahonihimi Apiho ningisi nanimaati komi bimimbipihimi ahinihi bimohipatamatiyati bimitaise. <sup>22</sup>Isi utaaho atihirisahosi kima piwima Itipihomi Gaaho Autaahaatihomihimi isihiya Kiraisihopi giwunyaahohiyihiyapi ausaati kaundisima biyati atisati nene,” ndataase.

**Yamihapataatihimi Autaahaatihopi Giwunyaahohiyihiya  
Koai Mepi Autaahepumawaayopo**

**4** <sup>1</sup>Saiwa aimi mmoniti namihaatosati ipoti japihi yapepataahimataindi jataati yamihapataatihimi maasomwaaŋji wamwaaŋji nundihi mmonataayo. Aihimi utaaho so ningisi jihimi gaatati kandisihomihimi piwiha naahutarihiri otipihomi kapaparihramatititimi piwandihimi atisohiho satati ningisi kandataase. “Kinyi kimasini nasaamane wiwa ipoti noaipaitandihapaapi kahititimi nangisitaano,” ndataase. <sup>2</sup>Aihimi keti kuraanihi Itipihomi Gaaho nasati nisiheti waati nindoti nanoaipataise. Aihimi nisi maarihomi ndiha nanorihataataise. Aihimi nini yamihapataatihimi jataati Autaahaatihomihimi gwitihomi siya kinjhandi ahotihimi mmonataayo. Aihimi ko gwitihomiasini utaaho wo bindataise. <sup>3</sup>So utaasometapi nausaatindihandihimi nawiha wa apipaahimi gaaha anaahihimi asisorihimi jesipaaha biyati nausaatahaasi kaamatiyati nausaatataise. Iyati amihimi nawiha wa apipaahimi gaaha anaahihimi amatenihimi karineriyanihaisangihimi nausaatataise. Aihimi amihimi apaahorihimi wiri koaisi aunihiyati nesiwesiwatimi otaatematimi ahondaise. Sirihimi apaahorihimi nawiha wa gaaha anaahihimi asisorihimi emererihimi biyati nausaatahaasi kaamatiyati apipaahimi bosaasinatimi nausaatataise. <sup>c</sup> <sup>4</sup>Aihimi

<sup>c</sup> **4:3** Nawimawia kimawia nawiho awasihotahaiwa amihimi kaiwaaŋji isihiyaaŋji maarihimi apohipatimi nepandihimi turimahiyahaiwa apipaahimi gaahaiwaare. Iyati kaiwa Autaahaatihomihimi nausaatindihandihimi nasooanataise.

ami gwitihō siyaahaiwa wiwa 24 kiyahaiwa Autaahaatihomi gwitihō siyaahandi otaatemati nesiwesiwati ahondaise. Aihī ami kaiwa gwitihō siyaasiwaasini mitihīya 24 kaiwihīya bindawaayopo. Siya mitihīya apotihiri kihoeḡihiri utarihiri niyopihīyaare. Aiwi ami kiya tingaatiha awaisawihīya kiḡihīya nipatohihamatīyaha gorihanda kaiwiha kīyaami mitihōaatihī nipaatawaayopo. <sup>5</sup>Autaahaatihō awaisihomi gwitihō siyaahandi ahotimbipihī tiwipatami kinapīpa kinapaahoena nausainjitihandi apīpaahi waati nausaatati bosasinataise. Ami kirirutati ami wīndi waati gaatinjīhi atīsataati tiwipati asoaatati gandaase. Gwitihō siyaahandi mandosihihōaanjī sisiha wiwa 7 kiyahaiwa tosihandi norihiramatīyahaiwa taati tihataise. Saiwa sisimaiwa 7 kiyamaiwa Autaahaatihomi itipihore. <sup>6</sup>Iyataati ami Autaahaatihomi gwitihō siyaahandami mandosihihōaanjī wīndi kapihī ahondaise. Iyataati sandi durihiri awairihiri apīpaahi saasanotahiri giraasihora kaiwihiramatīyatihiri ahondaise. Aihī ami wapa asitimatati bimoti ahotimbīpa 4 kiyahapa Autaahaatihomi gwitihō otaatemapi wihoaanjī wauri ami wihoaanjī wauri bitotawaayopo. Saiwa 4 kiyamaiwa ambīpateti nahataapīpīhi gaamati ndīhaahi mandosohihihōaanjūni ami dawaataatuni ahetahaiwaare. <sup>7</sup>Aihī jīhandi wanīhandi asitimatati bimoti ahotimī naindīhandi sandi pusiketihō awaisihō watīpīhō raiyonihandamatīyahande. Aihī ami kapīhandi 2 handi asitimatati bimoti ahotimī naindīhandi maasapīhō awaisihō kauho sapīhomatīyahande. Aihī ami kapīhandi 3 handi asitimatati bimoti ahotimī naindīhandami ndīmaahomwāanjī utaahomi ndīmaahomwāanjamatīyahande. Aihī kapīhandi 4 handi asitimatati bimoti ahotimī naindīhandi sandi boho autaahi otīpwīripwīrisati daisīhomatīyahande. <sup>8</sup>Maurīmauri asitimatati bimoti ahotimī naiwīmaiwaamīheti nīnaasaindamīheti ditīhaiwa ikwīri naasairitīhi wīrami naasohitahaiwa 6 kiyati ahetahaiwe. Aihī kaiwāami ambīpateti nahataapīpīhi ndīhaahi gaamati ahendaise. Aihī ami kaiwāami ditatōisangi ndīha ahendaise. Aihī saiwa apatīhuni otapīhaatuni nasīsoaari satīwi katawaatopo. “Awaisihō Autaahaatihō Nahatewāami Watīpīhandīsahō so Gaahore. So Gaaho Aināhīhore. So Gaaho Aināhīhore. So gaaho Aināhīhore. Aimapi bīmaami nasati wani bindataise. Ami ipoti ipotīsangīsī konīhī jinjapīhī bīmaami nutaise,” tīwī namaamīhaapī kaanīhī katīmī nowaayopo. <sup>9</sup>Saiwa asitimatati bimoti ahotiwīmaiwa utaaho awaisihō kiḡihō asitimatītaatiwīhandīsahō konīhī nasīsoaari bimīsīhopī waati maaritawaayopo. Aiwi koaisī gaahōḡīsī gaare undīwī komī ambīpati nepī mepī autaahepūmawaayopo. Saiwa maurītīhī maurītīhī asitimatati bimoti ahotimī naiwīmaiwa nahateweti nasīsoaari saiwi kiyawaayopo. <sup>10</sup>Aihī ami sikuraahi mitihīya 24 kaiwihīya ko awaisihō kiḡihō gwitihō siyaahandaasini bimīsīhomi ndīheti timahīyawī atotīpīwesawī bindawaawī kopī gaapundawaayopo. Ami ko konīhī

asohoematati nasisoaari bimisihore. Aihi ami kiyaami tingaatiha gorihanda kaiwiha nipaatotiha nousohaapi ko awaisiho kinjihomi ndiheti utatototi timihauhi timahiyati ahotihi ko awaisiho kinjihopi satiwi aunihihiri katawaatopo: <sup>11</sup>“Awaisihone kinyi nyami Autaahaatihone. Kinyi kahapaamapipa nahataapaami autaahi niwaataati bindapaise. Ami isihiya kinyapi nga maaritiwi kinyi ambipati nangimaitaapo. Ambipati nangimaapi kinyi watipihandami otitih bimitaapo. Sandi apaapimaaha. Kinyi kahapaamapipa kaimbi ahaingihone. Kinyi gwinyaapi maaringirihireti kahapaamapipa kaimbi ahainihi noaipataise. Noipati wani kimaiwa ahondaise,” tiwi aunihihiri katawaatopo.

**Joniho Utipihandi Namaasapihanduni Sipisipihoni  
Sipipihohoisuni Usonataise**

**5** <sup>1</sup>Utaaho gwitihosi siyaahandaasini bimisihomi ikwiri gaatihiraihoaani utipihandi windi ahotihi mmonataayo. Iyataati utipindi sandi napapotimaniwi mmapihande. Sandi utipindami apapaahi jipatiha ahotahande. Aiwi sandi utipindi anitiwi kaapipati kendorihanda <sup>7</sup>kiyahaiwaara mmapi namasawihande. <sup>2</sup>Aihi nini itipihoni enjerihoni watipihoni iwinjahonihoni ko waapihita satati kandaase. “Utaaho Gaaho diyaamahonihoni utipihoni kimo namaasapi kaapipati kendorihanda anitiwi namasawi ahijohimo nawaapamati nesipati nupwiyaitaise tati waapihitati kandaase. <sup>3</sup>Satati katihihandi kandi utaaho wo yamihapataatihoni bimisihoni yapipataapihi bimisihoni ami yapipatami nyepepi bimisihoni nga neti kandi utipindi nupwiyaati mihatihoni jaitandi wo motinani owetise. <sup>4</sup>Nini jataati utaaho wo neti sandi utipindi nga nupwiyaati ami mihatihoni jati mmondandihoni owetihoni nini maipaindi gotaayo. <sup>5</sup>Aihi mitihoni 24 kaiwihiyaami wo satati ningisi kandataase. “Kinyi windi gomaatipi atime. Judaahomihetapi namoyaatihi nasohiyihiyaamihetapi noaipasihoni Raiyonimo isihiyani iwinjatitandihoni awaisihoni Daawitihonetapi noaipasihoni awaisihoni komi ambipati autaahi ahotisihoni tiworisaisi kohimatati tiwati ipihatisihoni ko nawihiyati kaapipati kendorihandi sepehi kiyahaiwaara utipihandi namaasapi napapotimaniwi namasotihandi nga neti nesipati nupwiyaitaise,” ndataase.

<sup>6</sup>Aihi Sipisipihoni sipipihohoni bitosihoni nini iwinjatayo. Aihi ko aimi tiwauhi napohomatiyahore. Ko Autaahaatihomihoni gwitihomihoni ami wapa mauri mauri asitimatihi nasisoaari bimoti ahotiwauramuni otihapihoni bitondaise. Aihi mitihoni 24 kaiwihiyaami gwitihosi siyaahandi koaisi otaatemati ahondaise. Komi maasamaapihoni <sup>7</sup>kiyate. Aihi ami komi ndiha <sup>7</sup>kiyati ahetahore. Saiwa ndiha <sup>7</sup>kiyamaiwa Autaahaatihomihoni itipihore. So itipihoni <sup>7</sup>kiyamoaisi Autaahaatihoni aimi yapihoni nahandaahapi natausaasise. <sup>7</sup>Aihi ko Sipisipihoni Sipipihohoni notihoni utipihoni

so anitiwi namaasapi utaaho gwitiho siyaahandaasini bimihiho ikwiri gaatihiraihoanji ahotisiho sanoti netaise. <sup>8</sup>Ko utipihohi so aimi nesihi wapa 4 kiyahapa asitimatati nasisoaari ahotimbipauni ami mitihiya 24 kaiwihyauni komi utatototi timahiyawi atotipiwesawi ko Sipisipihohi Sipipihohopi gaapundawaayopo. Aihi mitihiya 24 kaiwihya nahatiya apwitihiri wiri gitaahandamatyahiri ninaasohi isiwatawaayopo. Aiwi ami disihandi windi gorihanda kaiwihanduni isiwatawaayopo. Aiwi saiwa disiwaatihapi sitipati dipumanati wamainjotahati noaipataise. Sandi Autaahaatihomi isihyaami gaapipatapi namihanahaiwaare. <sup>9</sup>Aihi kiya aunihihiri wiri wanihiri satiwi katawaatopo: “Kinyi naasonjihi kiwahonji nga nawihaimbi utipihohi so anitiwi namaasapi kaapipati namasawi ahiyotihohi nepi nupwiyaitaise. Sandi apaapimaahe isihya gi tihiwauhi napopaise. Tihiwauhi napopaapi kinyi jitipataahi nunyanipi isihiyaisi japihi numwaapaise Autaahaatihoapihimaitaapo. Ye akite kinyi isihya nahatiya piwiha kiha kiha piwaatohiyihya ami ambipati kahatamatipetahiya ami yapipati nahatewaraahapihiyaisuni kinyi jitipati nunyanipi japihi numwaapaise. <sup>10</sup>Kiya Autaahaatihomi isihya ko iwinjatitandihiyemataise. Iyati ami komi otipipati kawitaatiwihya pirihiyemataise. Iyati kiya noaipapi Autaahaatihomi otipipipati kawiwipi kinjhiyaimatiwi isihiyai iwinjaawi kimaapi yapimbataapihi bimitaatiwo,” tiwi katawaatopo.

### **Mwaaho Sipisipihohi Maaritiwi Mepi Autaahapumawaapo**

<sup>11</sup>Aihi ami nini japihi jataati ami Autaahaatihomi otipipatihya enjerihya apipaahi taahiyihyaami maahomwaaaji atisataayo. Siya enjerihyaami nambaahandi miriyoni miriyonihaiwa pihitahi handireti kiyatitihohi ami tiwatihahati tausenihaiwa pihitahaiwaatahiya kinjho Autaahaatiho bimimbipihuni ami wapa mauri mauri asitimatati nasisoaari bimaami naimbipaisuni ami mitihiya 24 kaiwihyaunisuni nepi otaatemapi bitotawaayopo. <sup>12</sup>Bitotawa kiya maahomwaaaji naasaataatimapi satiwi katawaatopo. “Kimo Mwaaho Sipisipimo jihura tiwauhi napwisimo nga wandiha ami wapa gaahapa ikipipaamatiyati ami gwinyaitaatiwiha amitiha gaaha ami watipihandi awaindihandi naitaise. Ko siyonihohi isihya nga koai nepi autahi isiwatiwi ami mepi autaahapumapi ami ambipati awaipati nunyawipi ami kopipi kiya maarititaapo. (Aiwi koaisi ‘kinyi gaahonje gaare,’ unditaapo,” tiwi konyahitiwi waati katawaatopo.)

<sup>13</sup>Aihi ami nini kahapaamapipa nahataapa gimunyainjipipa Autaahaatiho ahaimbipaami piwaahaiwa atisataayo. Saiwa piwauhi kahapaamapipa yamihapataatihuni ami yapipataapihuni ami yapipatami nyepipuni ami durihiraatihuni ahotiwaiwaami piwaahaiwaapito. Kahapaamapipa gimunyainjipipa nahataapa nahataapihi ahotiwaiwa

waapihitiwi satawaatopo, “Kimo Utaamo komi gwitihō siyahandaasini bindata isihiyai iwinjatisimoaisuni ami Mwaaho Sipsisipihōaisuni nyahi kindarisi gaahindaahisi gaare undohiwaiwauni ami kindarisi ambipati awaipati nunyohiwaiwauni ami kindarapi maaritohiwaiwauni ami kindarapi anditohiwaiwauni kindari nga jinjapihi nasisoaari nepise,” tawaatopo.

<sup>14</sup>Aihi ami wapa mauri mauri asitimatiwi nasisoaari ahotimi niyohiwaiwa satawaatopo. “Ye akitisi titihe,” tawaatopo. Aihi ami mitihiya 24 kaiwihiya kapihi bimohiyihiya kindarapi atotipiwesawi gaapundawaatopo.

**Mwaaho Sipsisipihō Kaapipata Anitiwi Kaapaiwi  
Utipihōai Namasotihandi Nawaapati Nesipataise**

**6** <sup>1</sup>Mwaaho Sipsisipihō utipihō wo anitiwi 7 kaiwihapihi kaapipata namasawi wisasawi ahiyawihō neti isiwatataise. Neti isiwatata kaapipati jihati tiwaapati nesipataise. Nesipasihō wapa mauri mauri asitimatiwi nasisoaari ahotimi naiwaiwaami windi piwaatihō nini atisataati asoahaamatitati gandaase. Iyati kandi satati kandaase. “Kinyi namme,” ndaase. <sup>2</sup>Aihi ami nini japihi jata maasapihō osihandi windi kihoepihandi winjataayo. Sandi osindaasini utaaho wo yasaihiri isiwahō kandaasini awitimatati bindataise. Aihi ko komi tiworisai kohimatati tiwati ipihatitandi koai jihimatohiyihiya awaisawihyaami tingaatiha wa nunyawihore. Aihi ko tiworihō kohimatati tiworisaisi tiwati ipihatitandihōematati noti tiworisai kohimatati daahi tiwati tunnati yahwinataise.

<sup>3</sup>Aihi ami Mwaaho Sipsisipihō kaapipati kapihati utipihōai anitiwi namasawi wisasopati tiwaapati nesipataise. Aihi wapa kapihi asitimatiwi nasisoaari ahotimi naiwaiwaami windi kapihandi 2 handi sandaase. “Kinyi namme,” ndaase. <sup>4</sup>Satihō maasapihō osihō amatenihō noaipataise. Iyataati utaaho so osisoaasini bimisoaisi watipihandi nunyawaayopo kimaapi yapipataapihi asisiha gaaha napaindihandi ahotihō isihiya windi timuniwi bimotihā nemaitando. Nemahonihō isihiya dopawi ami isihiya usaisi siyihiyaisi timaitaatiwo. Aihi ko sati otipiti kaitandi koaisi namatanaati awainanaati kosasaihanaati nunyawaayopo.

<sup>5</sup>Aihi Sipsisipihō Sipsisipihō kaapipati 3 hati namasawi utipihōai wisasopati nesipataise. Nesipasihō ami wapa asitimatati nasisoaari bimaami naimbipaami 3 handi sandaase: “Namme!” ndaase. Aihi ami nini japihi jata maasapihō osihō asihahō noaipasihō iwinjataayo. Aihi ko osihōasini awitimatati bimisihō sikerihandi komi ikwiraahi isiwahore. <sup>6</sup>Aihi nini windi atisataati sandi utaaho wo taati piwaatihandamatiyahandi noaipasihō atisataayo. Sandi utaaho womi piwihaamatiyati noaipasitindi wapa maurimauri asitimatati

nasisoaari bimiwaiwaami otihatihapi noaipataise. Sa piwiha sataha noaipataise. “Kinyi numbwi kinyi otipipati kaimi isihiya nandapaapi nenoahititaatiwo. Saisamihi asisiha naasaapi nawiho nehohihora pirawaaho oniha maipihonjopi windisihoaisangi ami koniho baarihandi oniha maipihonya monyuri monja windisonyaisangi ko nawiho nunyawwi naito. Siyapaahandi kandi kinyi ipati oripihatuni ami ipati wainihanduni nepi namopisasime,” daase.

<sup>7</sup>Aihi Mwaaho Sipisipihohoho kaapipati 4 hati namasawi anitiwi utipihoho wisasopati tiwaapati nesipataise. Aihi wapa maurimauri asitimatati bimaami naiwaiwaami 4 handi satati kandaase: “Kinyi namme,” ndaase. <sup>8</sup>Satihu nini japihi jata osihandi windi ikiroatati asisorihandi noaipasihu iwinjataayo. Aihi kandaasini utaaho wo awitimatati bindataise. Iyataati utaaso osihoasini awitimatati bimisihomi ambipati isihiya napohitihandamihore. Aihi isihiya napohiyihiya nuwi bimohipati aunahipati isihiya napwitaatiwihandi niwipinjai taati nasataise. Aihi kurisi watipihandi nunyawaayopo kuri yapipatambihiyaisi nepi maurimauraapihimapi nepi ahoaimi tipitapaitaatiwo. Tipitapaapi ahoaimosami kaiwa windi naasaindihohoho isihiya bimohiyihiyai timasahi kiya napwitaatiwo. Ko namatanaati kosasaihanaata isihiya siyihiyai tiwitaatiwo. Iyati ami ko jariho aungwohandi nusoaaasisaihi isihiya jarihopi napwitaatiwo. Iyati ami ko timbipa aungwohandi nusoaaasonihohoho kapa noti isihiya timbipa nepi napwitaatiwo. Iyati ami ko suhi maasapiho kohasipihohoho ainjihhipa yapipatambihapai neti isihiyaamihetemati nusoaaasonihohoho kapa neti isihiyai ikoti tiwonihohoho kiya isihiya napwitaatiwo.

<sup>9</sup>Aihi Mwaaho Sipisipihohoho kaapipati 5 hati anitiwi namasawi utipihoho wisasopati tiwaapati nesipataise. Siyati nesipasihu isihiya napohiyihiyaami maariho aritaahandami yatihu otitihu bimaui winjataayo. Siya isiya jihura Autaahaatihohoho piwiha anitiwi isiwatawa piwiha ka ausaapi isihiyai kaundauhi kandapi tiworisa tiwauhi napohiyihiyaami maarihore. <sup>10</sup>Napohiyihiyaami maariho waati kaahaata satati kandaase: “Nahataapaami Awaisihohoho Kinjehohoho, kinyi gaahaiwa titihaiwaahihohoho napaitipi nasisoaari kaimbihohoho. Kinyi titihu nga ainahihohoho bimaapihohoho. Kinyi kaingiwaiwa apipaahi titihu gaahaiwaare. Nyahi napitiyaahaiwaara jatimi nutihaawe kinyi isihiya yapibatambihiyai kiyaami kiyohiwaiwaapi sahi saiwi saiwi kaiwihiyate undipi nepi tipitapaitaapihuraapo? Aimbihohoho nyami jitipati nepi nanyuhaahotihandapi wihoaanijhandi kiyaisi numwitaapihuraapo?” tawaatopo. <sup>11</sup>Aihi kiya ninaasiyaisi apotihohoho utarihohoho kihoejihohoho nunyawaayopo. Nunyawwi kiyai saundawaatopo: “Sahi nehi masihohoho ikiniwi jatiwise, tiworisa isihiya maasi otipipati kiyohiyihiyaisunihohoho ami sami naisihiya samatawi Jisaasihohoho giwunyaahohiyihiyai tiwisaihi



napwisaihapo ami sangi tisawauhi napohipatomataiwo. Isihiya tiwisaihi napwitaatiwihyaami nambaahandi Autaahaatiho aimi mmonati neti gwinyaase. Isi tiworisa isiya siyaisi tipi owemasaihihura sangi tisapi sami jitipati nepi nasuhoahotihandapaahi Autaahaatiho wihoaanjhandi numwitaise.

<sup>12</sup> Aihi Mwaaho Sipisipihohoho kaapipati 6 hati utipihohoi namasawi namaasahopati tiwaapati nesipataise. Aihi ami nini japihi jata ipipatipati awaipati yapipataapihi noaipati ipipatipinjihini mmonataayo. Aihi ami ipihoho noaipati apipaahi asahati tutipihandi ahondaise. Aihi ami waatihoaisangi noaipati apipaahi amatenitatu jitipihandi ahondaise. <sup>13</sup> Aihi ami kaumbwaati autaahi yamihapataatihi ahotiwaiwa yapipataapihi timahiyataise mbipa watipihapa murihoai neti ahoaihi yandipihoho sangihoho gwitipihoho nandindiwapatamatiyato. <sup>14</sup> Aihi ami yamihapatisangi aimi naihi owendaise. Siyati yutihiri nawopi ipesawi napapotimaniwi ahiyohipatamatiyato. Aihi ami nahataapa sisihouni ami yapipati masihonya durihiri otaatemasonya ahotimbipihini namasisi wapihi notaise. <sup>15</sup> Aihi yapipatambi awaisawihya kihihiyauni ami ambipati awaipati nepi bimohiyihyauni ami amihya pwisipi yaipa kaiwi tunniwi yahwinohiyihyaami tihaapundiwi jihimatohiyihyauni ami ikipipa kahapaamapipa ami nawihoho asaketahyauni ami isihya watipihyauni ami isihya nawihoho windi namepi nehi otipipati kiyohiyihyauni nahatiya saiwaapi yanihimapi nuwi nawihaami jomaahipataatihuni ami nawiha sisihohoasini ahutihaihiwaamihini noataawaayopo. <sup>16</sup> Nuwi noatiwi bindawa nawiha sisihopi satiwi kaahaataawaatopo. “Nawimaaranjhi sisimohi nipepatipi naumbwindipi nyangisi nyataatime. Awaisihoho utaaho kihihohi siyaahandaasini bimisihohi ndiha nimbipupo. Saisamihohi Mwaaho Sipisipihohoho komi awaindihandi apowindihandisati nasati nyangisi yaasihandi awaindihandi namaanyamitando. <sup>17</sup> Ami kindari isihyaapi apowindihandi nepi ausaimanitaatimiha asisihoho wani aimi kima noaipataise ami kiya maipihaiwa kiyohiwaiwaapi wihoaanjhandi maipihandi kiyai numwitaatimo. Isi ndinihi kindarami watipihandi tipindamati nga bimitaise?” tiwi kaahaataawaatopo.

**Autaahaatiho Isihya 144,000 Kaiwihyai Nepi  
Namopisasindaatiwi Neti Yandihemati Namihanataise**

**7** <sup>1</sup> Kimaiwa nahatewa aimi noaipati owetihohi nini jata enjerihya itipihya murimuri yapipatami otasaahaasini maingiraini wihiwihohoanji gotitipihaiwa (gotitipihaiwa (konaahaiwa)) 4 kiyahaiwaapihi enjerihya 4 kaiwihya kiyaami ikwiri ikwisapaapaniwi bitohauhi iwinjataayo. Kiya enjerihya mbipa mauri mauri itipimindandi tipindiwi nimbipupwi isiwataawaayopo. Saiwi kiya mbipa isiwataawaayopo

mbipa saiwa waati namaasataati yapipati durihiri ipati nemaamaitando. 2-3 Aihi ami nini jata ami enjeriho wo ipiho noaipasihioaangapi nasati noaipasihii iwinjataayo. Aihi ko Autaahaatiho isihiya siya nisihije tati namihanati kiyaamiheti namasatosititandihapa isiwahore Autaahaatiho konihi nasisoaari bimaami naisihomo. Aihi ko enjeriho waati kaahaata enjerihya muri muri Autaahaatiho watipihandi nunyati yapipatisuni durihirisuni nepi nopisasitaatimi natausaasisawihiyai ko saundataase: “Sahi keti yapipatisuni durihirisuni ipatisuni nepi namopisasiwise. Nyahi isihiya nyami Autaahaatihomihya komi otipipatihiyai jihi ndimaahomwaanji namihana siwipati makihiri ahiwisaati owetanihi sahi kaiwi kahapaamapipai nepi nopisasitaatiwe,” tati kaahandaase. 4 Aihi nini isihiya siya aimi nisihije tati Autaahaatiho namihainjawihyaami nambaahandi ambihitauhi atisataayo. Isihiya Isiraherihya nahatiyaami otihatihapi 144,000 kaiwihiyai namihanawaayopo. 5 Aihi isihiya Judaahoetapi namwiyaatohiyihyaami 12,000 kaiwi namihaniwi ami Rupenihoeetapi namwiyaatohiyihyaami 12,000 kaiwi namihaniwi ami Gaatihoetapi namwiyaatohiyihyaami 12,000 kaiwi namihanawaayopo. 6 Aiwii ami Asaahoetapi namwiyaatohiyihyaami 12,000 kaiwi namihaniwi ami Napitaarihoetapi namwiyaatohiyihyaami 12,000 kaiwi namihaniwi ami Manasehoetapi namwiyaatohiyihyaami 12,000 kaiwi namihanawaayopo. 7 Aiwii ami Simiyonihoeetapi namwiyaatohiyihyaami 12,000 kaiwi namihaniwi ami Ripaihoetapi namwiyaatohiyihyaami 12,000 kaiwi namihaniwi ami Isakaahoetapi namwiyaatohiyihyaami 12,000 kaiwi namihanawaayopo. 8 Aiwii ami Sipuronihoeetapi namwiyaatohiyihyaami 12,000 kaiwi namihaniwi ami Josepihoeetapi namwiyaatohiyihyaami 12,000 kaiwi namihaniwi ami Benjaminehoetapi namwiyaatohiyihyaami 12,000 kaiwi namihanawaayopo. Isimiya siyai Autaahaatiho aimi nisihije tati namihanataise.

**Isihiya Taahitihandi Autaahaatihopi Aunihihiri Katiwi  
Gaapundiwi Koai Mepi Autaahepumawaayopo**

9 Aihi ami saiwa saindi mmonitosati ipoti japihi jata isihiya apipaahi taahitihandi ambipati owehandi isihiya nga windi awimititaahetahandi ahoyaniwi bitohauhi iwinjataayo. Siya isimiya kihapihi kihapihapihyaare. Iyataati siya isiya yapipati nahatepataahapihyaare. Iyataati ami nahatiya ambipati kahatamatipetisawihyaamihyaare. Iyati ami piwiha nahataamihyaare. Kiya Awaisiho Kijihomi siyaahandami ndimaahomwaanuni ami Mwaaho Sipisipihohomi ndihetuni bitotawaayopo. Aiwii kiya nahatiya apotihiri kihoepehiri utarihiri niyopihyaare. Aiwii ami kiyaami ikwiraahi totipati isiwihyaare. 10 Saiwi kiya bitotawa satiwi waati waapihitiwi katawaatopo: “Nyangisi japihi nanyamaitandihandami watipihandi Autaahaatiho komi

siyaahandaasini nasisoaari bimisihomihanditati ami Mwaaho Sipisipiho Sipipihomihanditati kindari sawindarimihande. Kindari nyangisi japihi nanyamaamaise,” tiwi katawaatopo.

<sup>11</sup> Aihi enjerihiya nahatiya Awaisiho Kijihomi siyaahandisi nepi otaatemapi bitotawaayopo. Aiwi ami mitihiyaisuni ami wapa mauri mauri asitimatati nasisoaari ahotimi naimbipaisuni otaatemapi bitotawa siya kijihandaihoani jatawa atotipiwesawi ndimaahomwaaŋi yapipatetimapi Autaahaatihopi gaapundiwi koai mepi autaahepumawaayopo. <sup>12</sup> Aiwi kiya kopi satiwi gaapundawaayopo: “Akite! Nyahi nyami Autaahaatihopi kiyaaninihi maaritimi nutihaawo. Iyaati komi ambipati awaipatapi ausaawa katitihawo. Iyati ami ko nahatewa amitiha gaahaiwaisahore. Isi nyahi koaisi gaahone unditihawo. Iyaati ami nyahi koaisi newa mepi autaahepwaitihawo. Iyati ami ko nahatewa watipihaiwaisahore. Akite nahatewa komihaiwaasi komiheti ahetimi notaise. Akite,” tawaatopo.

### Isihiya Siyaami Yaawindihandi Aimi Owendaise

<sup>13</sup> Aihi kapihi yamihapataatiji mitihiyaimatiwi bimohiyihiyaami wo sata ningisi sandati nanisenataise: “Isimiya kimiya apotihiri kihoeipimaiwa niyopi bitohohiyimiya diyaare? Aiwi ami kiya maahapihapi napiwihyaare?” ndati ningisi nanisenataise. <sup>14</sup> Nanisesihi ami nini koai wihoaanjha saundataato: “awaisihone, kinyi kiwahonji kiyaapi gwinyaaipihone,” undataato. Aihi ami ko ningisi sata kandataase: “Isimiya kimiya kiyaami ambipati yaawihaiwa apipaahi awaiwaiwa tiworisa nunyauhi nepi bimambiwihyaare. Bimambiwihyaasi Mwaaho Sipisipiho Sipipihohomi jitipataahi kiyaami apotihiri bausawimihauhi noaipati kihoepihirindaise. <sup>15</sup> Aihi ami sandi kandapi kiya wani Autaahaatiho bimimbipihhi komi ndimaahomwaaŋi bitotawa apatihuni ami otapihaatuni komi anjitihi koai mepi autaahepumawaayopo ami ko komi siyaahandaasini bimihiho kiyai neti ikwaasumanitendo. <sup>16</sup> Ko siyati kiyaisi ikwaasumanati iwinjatonihhi kiyaisi jahomumanati ami waapohopi nausati naahutarihiri awaumasati ami kiyai ipiho watipihho windi waati tundati ipimunditendo. <sup>17</sup> Ami Mwaaho Sipisipi Sipipihoho Awaisihomi siya kijihandami otihapihhi bitosiho kiyaisi komi sipisipihonyemati iwinjatati ami kiyai asitimatitaatiwihandami waapoho konihhi nasisoaari noamasihoaapihi numwaasisomataise. Iyonihhi ami Autaahaatiho kiyaami ndihotapi kwitipati nahatepi niwindiwati niwipiyaipaitaise.

### Mwaaho Sipisipiho Sipipihoho Kaapipati 7 Hati Namasawi Anitiwi Wisasopati Tiwaapati Nesipataise

**8** <sup>1</sup> Mwaaho Sipisipiho Sipipihoho kaapipati 7 hati utipihoi  
anitiwi namaasapi wisasawi ahiyotiho tiwaapati nesipasihhi 30

minitihandapi yamihapataatihi wapa kirirupa namwaipati apipaahi watiminamataise. <sup>2</sup> Aihi nini jata enjerihiya itipihiya 7 kaiwihiya Autaahaatiho komi ndimaahomwaanjimasipipihi bitohauhi ami kiyai usa kapaparihiri 7 kaiwihiri nunyauhi nehauhi iwinjataayo.

<sup>3</sup> Aihi ami enjeriho wo nasati aritaahandaasini bitondaise. Ko nyaihandi piretiho wo gorihanda kaiwiho koatihi pautaahandi waamainjotahandi tihisaihi waamaindahiri noaipaitandihandi ahiyati isiwahore. Aihi koai pautaahandi pihitiwi waati nunyawaayopo ami ko Autaahaatihomi isihiyaami gaapipatisati neti timaamahiwati aritaahandi gorihanda kaiwihandaasini Awaisiho siyaahandaasini bindataati mandosihiohanji tihati koai waamaindumwati dipumanati numwitando. <sup>4</sup> Aihi kandi pautaahandami biyati waimainjotindahandami sitipatuni ami isihiya giwunyahohiyihiya gaapipati Autaahaatihopi gaapundohipatuni enjerihomi ikwiraatihapi dosisi Autaahaatiho bimimbipihi komi ndimaahometeti niyataise. <sup>5</sup> Aihi ko enjeriho nyaihandi piretiho pautaahandi koatihi tihotiho neti aritaahandaasinapi sisiha noti ko piretiho wiwatosati ami mihaapi yapipataapihi timataise. Timasihi asoaaha waati aungwohandi nawatepwinati ganandi kinapipa kinapaahoena nausaatati ami ipapatipati witi ipapatipinataise.

#### **Enserihiya Jihiya 4 Kaiwihiya Kapaparihiri Ipowaaayopo**

<sup>6</sup> Aihi ami enjerihiya 7 kaiwihiya kapaparihiri 7 kaiwihirisahiyaasi kiri ipoaitaatiwi nepi timetawaayopo.

<sup>7</sup> Enjeriho jiho kapaparihiri komihiri iposih i wipati ndihaisahatuni ami sisihauni jitipatisati ahoyati tiwanauhiwa noaipasih kaiwai yapipataapihi nepi nepihowaayopo. Iyauhi ami yapipati maurimandemapi ami ipati maurimandemapi tipatapaapi ahiyawihandisi yapipatami windi naasaindihuni ami ipatami windi naasaindih sisihaara tahamataise. Aihi ami woyiha kitarihiri asisorihapaisangi sisihaara tihamataise.

<sup>8</sup> Aihi ami enjeriho kapihi 2 ho kapaparihiri komihiri iposih ami wapa sisiho aungwohinjamatiyaho sisihaara taati tihihiohai kaisawi nepi durihiri soriwaraahandaatihi yotawaayopo. <sup>9</sup> Aihi durihiri soriwaraahandi maurimandemapi awitiwihirisi mauri ahotihi miri naasairih noaipati jitipatimatataise. Aihi ami durihiraatihi kahatamatipetimbipa maarisati ahoyati noti nasayataimbipa maurimandemapi tipitapaapihapaasi mauraapihapa kiyati bimih windi naasaindaapihapa napoti owendaise. Aihi ami kopuho awaiwaiwaisangi maurimandaapihi tipitapaapihapaasi wauri kiyati ahotihi windi naasaindaapihaiwa neti nosasinati owendaise.

<sup>10</sup> Aihi enjeriho kapiho 3 ho komi kapaparihiri iposih kaumbwaati waati apipaahi awaisaamaati sisiha tosihandamatiyati tihwitihirisati

tihwitimi yamihapataatihapi yapipataapihi timahiyataise. Iyati waapihaatuni ami waapoho yapipataatihapi mweititutati noasihouni maurimandemapi tipitapaapihaiwaasi wauri kiyati ahotihi windi naasaindaapihaiwaatiji gaamati kaumbwaati timahiyataise. <sup>11</sup> Saati kaumbwaatami ambipati Marasiniho Ikonahoe tiwihaate. Aihi waapihaati awaiwai ami waapoho mweititutati noamasiho 3 haiweti kaumbwaati saati timahiyati kaiwai neti marasiniho ikonahomataise. Aihi isihiya waapoho saiwa naniwimapi taahiyihiya napowaayopo ami waapiho ikosihoni onapiamataiwi naniwimapo.

<sup>12</sup> Aihi enjeriho 4 ho komi kapaparihiri iposihoni ipihomuni waatihomuni ami kaumbwaatamuni wihoanijihapa mauri mandaapihi tipitapaahohipipaami wapa wihoanijihapa naasaindaapihapa tiwaapatataise. Tiwaapatati neti nopisasinjiji ami ipihomuni waatihomuni kaumbwaatamuni nausainjitihandi mauri mandemapi tipitapaahohitihandi ipihomuni ami waatihomuni ami kambwaatamuni nausatindihandi windi naasaindihoni namusaatati niyotati asihatataise. Aihi otapihaatapi windi naasainduni ami apatihapi windi naasainduni windi namusainje. Asihatataise. Aihi yatiwaapihandi nga ahondaise.

<sup>13</sup> Aihi nini jata boho wo awaisihoni yamihapatami otihapihi otipwiripwirimi taati naihi iwinjataayo. Iyati ko taati piriruti notaaho waapihitati satihoni atisataayo: “Ese nno! Isihiya Yapipataapihi bimohiyihiya nahatiya maipihandi apipaahi awaindihandi naitaapo. Maipihandi apipaahi awaindihandi nepi nopisasindaapo. Ami jihaati enjerihiya wingwaasi murimo kingwaasami kapaparihiri ipoaitaatiwiyowo. Iposaihi naanati yaawihaiwa apipaahi awaiwaiwa yapipataapihi isihiyaamiheti noaipaitaiso,” ndaase.

### Enjeriho 5 Ho Kapaparihiri Ipotaise

**9** <sup>1</sup> Aihi enjeriho 5 ho komi kapaparihiri iposihoni nini kaumbwaati jiji aimi mihaati yamihapataatihapi yapipataapihi timahiyati ahotisaamaati iwinjataayo. Ahotihi kaati animwaahipati apipaahi utarihati tongihati tapotaaha owehatami maahomwaanji neti nisapuwati napusitihandami kihiri nunyauhi nini iwinjataayo. <sup>2</sup> Aihi kaati animwaahipati tongihati tapotaaha owehatami maahomwaanji nisapuwati napundindihandi nuwamasihoni katami maahomwaanji sitipati noaipataise sisihoni apipaahi awaisihoni watipihoni tihoapi wapa ainihiri tihauhi sitipati mweititutati noaipasipatamatiyato. Iyati sati sitipiti ipihoaisuni ami yamihapatisuni neti namaasasihoni ami ipihoni yamihapati noipati asihatamataise. <sup>3</sup> Aihi wapa kupwiriho tapaatipihomatiyahapa kati sitimataatihapi noipasi yapipataapihi notaise. Aihi kapa tapaatipihomati watipihandi akosihoni yapipatambihomati watipihandi isihiyai ikwihi yawindihandamatiyahandi koai nunyauhi

nehore. <sup>4</sup> Aihi kiya saiwa kupwiri tapaatiþihoai sapa kitarihiri woyiha tandipiho ami nahatapa wapa usipaipati asisorihapa ami ipati yapipataapihi nawati ahetimþipai windi nepi namopisasitaatiwi kaundawaatopo. Ami nehi isihya kiyaami ndimaahomwaaŋi amiteteti Autaahaatihomi siwipati makihiri namaamasandahiyaisaahihia yaawihandi numwitaatiwi kaundawaatopo. <sup>5</sup> Iyataati kiya isiyai windi siyihiyai timapi nehi waatiho 5 kiyahopi tapaatiþiho yaawihandi awaindihandi numwitaatiwi kaundawaatopo. Iyataati isiya siyai tapaatiþiho yaawihandi numwindihandi akoso isihiyai ikwihi apipaahi waati yaawa niwinahandi ese no no tiwi gwiwi nehotopatamatiyahandi nunyataise. <sup>6</sup> Iyonihia sura asisihia saiweti isihya napwitaatiwihandapi pihitiwi gwinyaawaahandi kandi kiya windi namwaaþwitaapo. Awi kiya napwitaatiwi gwinyamawaahandi napwitaatiwihandi kiyai windi namausoaipaitaise. Apipaahi owetitaise. <sup>7</sup> Iyataati saiwa tapaatiþiwaami noaipahohirihireti osihaiwa pwisipati awaindihandi wohandi tundaatiwi nepi timaŋihohirihiretamataiwi noaipawaayopo. Kaiwaami mitihoatihi awaisawihyaami tingaatiha gorihanda kaiwihaiwaamatiyahaiwa ahetahiyaare. Awi kaiwaami ndimaahomwaaŋi isihyaami ndimaahomwaaŋamatetahiyaare. <sup>8</sup> Awi ami kaiwaami misisiha asihyaami misisihaamatiyati utarihaare. Iyataati kaiwaami mangiri pusiketihohi ainjiiho raiyonihandamatiyahire. <sup>9</sup> Iyataati kaiwa tapaatiþihaiwaami gwisihia kiriwipatami yapasihia yaipati pwisipati tipiraitandi nimbimaasapi ainihiri kapaahiri nipaatohipatamatiyahapai sahiyaare. Iyataati kapaami ditati gaatinjitihandi kaarisihaiwa osihandi pwisipati wohandapi aisi ŋutihi naihi gaatinjitihandamatiyati ganataase. <sup>10</sup> Iyataati kaiwa tapaatiþiwaami nawitihohi akosihomi nawitihohi isihiyai muwati ikwitandi apipaahi mwitihomatiyahore. Kaiwaami nawitihohi watipihandi sisihamatiyahandi isihiyai waatiho 5 kiyahoeti muwati ikwonihi yaawitandihandi ahondaise. <sup>11</sup> Kaiwa tapaatiþiwa kaiwaami awaisihohi mitihohi kiŋihohiawihyaare. So kiyaami awaisihohi kiŋo sati animwaaþipati utarihandi tongihati tapotaha owehatami enjerihore. Piwiha Ipiruhaara so enjeromi ambipati Apadonihore. Iyataati ami piwiha Girikihaara kopi katawaawi Aporiyonihore tawaatopo.<sup>d</sup>

<sup>12</sup> Maipihandi naaŋihandi jihapihandi aimi noaipati owetati namihaataise. Aihia wauri yatiwi naaŋahauri maipihauri sangi noaipase.

<sup>13</sup> Aihia enjerihohi 6 ho komi kapaparihiri iposihohi maasamahipo komihandi 4 kiyahaiwa aritaahandi gorihanda kaiwihandami gotitipihaiwa (gotitipihaiwa (konaahaiwa)) 4 kiyahaiwaapihi Autaahaatiho komi ndimaahomwaaŋimasipihohi ahotimþipihapi utaaho wo piwiha piwaatihi

<sup>d</sup> 9:11 O ami nyami piwihaara kopi sataati Kahapaamapipa Neti Nopisasitandihore taati ambihititihaawe.

nini atisataayo. <sup>14</sup>Iyataati piwa sa enjeriho 6 hoai satati kaundataase. “Kinyi enjerihiya 4 kaiwihiya waapihaati awaisaamaati Yupiretisihaateti nepi napuposohiyihiyaisi nupusoase kiya noaipasi nuto,” undati enjeriho 6 hoai kaundataase. <sup>15</sup>Saundihi ko kingwaasi enjerihingwaasi 4 kaiwihingwaasi ipihomi ndiha siwipati suraapuni asisiha suraapuni waatiho soetapuni ami kinaungwiha setapi nepi timaniwi napupwi isiwatohingingwaasi enjeriho nuwausoasataise. Aihi kingwaasi nuwi isihiya nahatiyaisi nepi mauri mandaapihemapi ahoyohiyihiyaami naasaindihimandi mandihoyanohiyihiya siyihiyaisi timaitaatiwo. <sup>16</sup>Isihiya pwisipi yaipati kaiwi tunniwi yahwinohiyihiya maasapiho osihoasini awitimatiwi bimohiyihiyaami nambaahandi 200 miriyoni kaiwihiyaare tauhi nini atisataayo. <sup>17</sup>Aindi nini osihaiwa saiwaisi yapepataahamataindi kimireti usonataayo: isihiya osihoasini awitimatiwi bimohiyihiya kiyaami kiriwipatoti ainihiri kapaahiri sisihamatiyati amatenitati ami kwaanyapi sitipitati ami saripaahandi ikirotati watipihaiwa isihiya timwipihiyaaamihapa nipaatiwihiyaaare. Iyataati ami osiwaami mitiho pusiketihoi ainjihoi raiyonihandami mitihomatiyahaiwaare. Aihi kaiwaami maahomwaanapi sisiha ami sitipati ami windi nawiha saripaahandi ikirotihandi sisiha waati awaindihandi dimaatati noaatati tihati tihwititandihandi noaipataise. <sup>18</sup>Saiwa apipaahi maipimaiwaari sisiha sitipati ami windi nawiha saripaaha ikirotindihandi osihandami maahomwaanapi noaipasiwaiwaaraahi isihiya nahatiyai mauri mandaapihemapi tipitapaapihandisi wauri kiyati ahotih windaapihiya natahiya kiyaisinihi tiwati owemataise. <sup>19</sup>Ami saiwa osihaiwaami watipihandi isihiyai yaawihandi numwitandihandi mitihoetuni ami nawitihoeetuni ahondaise. Kaiwaami nawitihoi akwiraniho taahihomi mitihomatiyahaiwa isihiyai yaawihandi numwitandihireto. Iyati osimaiwaami nawitihora isihiyai yaawihandi nunyataise.

<sup>20</sup>Saiwa apipaahi maipimaiwa mauri manda isihiya Autaahaatihopi gimaawunyaahohiyihiya windi timaawisawihiyaaahi ami kiyaami ikwiraahi autaahaatiho jaipitahapa kaiwi kaiwaisi nepi mepi autaahemwaaahohipipaatihapi windi namepemaitiwi ami kapai windi ahosumwapi namaamahopo. Owetise. Maipihomi itipihoi maipihapaami siwipati kiyaami autaahoemapi gorihandi siriwaahandi bironjihandi nawiha ami ipati ndiha jati monati ami atihira wapa atihomisati ami windi dahomaayahapa kaiwi kapaapi gaapundiwi mepi autaahemahopipai windi namaamahopo. <sup>21</sup>Aihi kiya isihiya usaisi timapi ami onaapipa konosiha paasihiri kawiwai ami isihiya usihiya asihiya kihiya kihiyaisawi iripuniwi ami kiyaami ikopaisangi namapi namepemaitopo. Owetise.

### Enjeriho Jonihoai Utipihoi Gwiharaaho Numwihi Ko Neti Nanataise

**10** <sup>1</sup>Aihi ami nini enjeriho apipaahi watipihoi wo komi ambipati tiwipataahi neti napapahati ami komi mitihoatihoi apahorihiri

ahotaho yamihapataatihiraapi noaatipati napihi iwinjataayo. Komi ndimaahomwaanji ipihomatiyati nausaatati ami komi auhatimuri sisiha tihwitihiri waati tihwitipatamatiyati tihwitisahore. <sup>2</sup>So enjeriho komi ikwiraahi utipihandi windi gwiharaahandi napapotimaniwi mmapihandi isiwahore. Sandi utipi napapotimaniwi mmapiindi komi ikwiraatiji aimi nupwiyandihande. Aihi komi auhiri gaatihiri durihiri sapipa soriwaraahandaatiji ahiyati ami komi auhiri konaamohiri yapipateti itipiwondaise. <sup>3</sup>Siyati itipiwati bitondaati ko pusiketihio awaisiho timwipihio raiyonihandi konyahititi gaatipatamatiyati waati kaahandaase. Kandi siyati kaahaatiji asoaaha 7 kiyaha asoaandaase. <sup>4</sup>Saiwa asoaaha 7 kiyahaiwa asoaatati gaatati namihaasiji kaiwa piwiha katisiha neti nini jipatipaitondiyoniji utaaho womi maahomwaanji yamihapataatihapi piwiha gapipa satati noaipataise. “Kinyi asoaaha 7 kiyahaiwaami piwiha katiji atingiha nehi kiyati kinyi kiwahonyiheti ahotane, windi jipatimaime,” ndaase.

<sup>5</sup>Aihi ami enjeriho durihiraatuni yapipatetuni bitosiji nini winjahotihio komi ikwiri gaatihiri yamihapataatihemati naimaati ikwisapendaise. <sup>6</sup>Iyati ko enjeriho Autaahaatihio yamihapati kiyati ami kataatiji nahataapa ahotimbipa kiyati ahiyati ami yapipati kiyati ami kataatiji nahataapa ahotimbipa kiyati ahiyati ami durihiri awairihiri sapipa kiyati ami nahataapa katiji bimaati ahotimbipa kiyati ahaisiho koniji nasisoaari bimaami naisihomi ambipataahi watipititi kandaase. Katati ko enjeriho sandaase: “Asisiha windi oniji otihimetitaise. <sup>7</sup>Autaahaatihio wapa kaitandihapaapi komi otipipatihya komi piwiha atiwi nepi kopi awusaahohiyihya piropetihyai aimi kaundihi noasandiwaiwa enjeriho 7 ho komi kapaparihiri ipohonihura Autaahaatihio sawaho kaiwa neti akiwaiwemaitaise,” ndaase.

<sup>8</sup>Aihi jiji utaaho womi maahomwaanji piwiha yamihapataatihapi piwandisiha ka jihaati ningi satati kandataase: “Kinyi numbwi enjeriho durihiraatihuni ami yapipatetuni bitosomi ikwiraatiji utipihio nupwiyaatati ahotisiho nepe,” ndataase. <sup>9</sup>Aihi nini nundi enjeriho koai saundataato: “Kimandi utipimandi napapotimaninati gwiharaamandi ningisi naninye,” undataato. Saundoniji ami ko ningi sandataase: “Kinyi nepi nanime. Nainjamihi kinyi gwisahaatihapi neti yaasati nangindaise. O ami kinyi maahomwaanjapi ikisamaahi apipaami mwaahomatiyati jipihitaise,” ndataase. <sup>10</sup>Satati kandati owetih sandi utipi gwiharandi napapotimanindindindi nini enjeriho komi ikwiraatihapi neti nanataayo. Nanihoniji nisi maahomwaanjapi apipaami mwaahomatiyati jipinisataise. Jipinisataahandi kandi aimi nandi nanaapwitonihura mihatiji nisi gwisahaatihapi neti naninati nanitimanati yaasataise. <sup>11</sup>Aihi kiya ningisi satiwi kandawaatopo: “Kinyi piwiha atimbi japi nepi ausaape wapa isihya yapiji nahatewaraahiyaisuni ami piwiha



kiha kiha piwaatohiyihiyaisuni ami awaisawihya kinjhiyaisuni maawi nusoaipaitandihapaapi kaunde,” ndawaatopo.

**Autahaatiho Yahuri Wuri Komi Piwiha Kopi  
Awusaitaati Natausaasataise**

**11** <sup>1</sup>Aihi nini irihiri wiri kahapa wapaami utaaritindihandi ami nuhitindihandi namihandaatiwi naninyawi sandawaatopo: “Kinyi nambi Autahaatihomi ajaarjuni ami aritaahanduni ami kapihi gaapundiwi Autahaatihoi mepi autaahepumahohiyihiyai namihane,” ndawaatopo. <sup>2</sup>Saimbi mihatihini anjitihi namihanipi awitapaahandi kandi ipaahaapi maasapihi isihya Autahaatihomi anjindi otaatemapi ahoyanopipihi windi irimira namaamahanime. Namahaape. Ami sapihi isihya Isiraherihyaametohiyihiyai nunyauhahapihiso. Nunyauhahapihisi kiya napiwi waatiho taahiho 42 kiyahoeti Autahaatihomi aunahipati taunihandi sandi nepi itipapi nopisasitaapo. <sup>3</sup>Iyonihini ami nini utaahuri wuri nisi piwiha nanesihuri ka anusaitaatihi neti nandusaasito. Nandusaasati nisi watipihandi kuri numwito nisi piwiha nisapi nepi anusaitaatihi. Watipihandi numwisanihi kuri uti apotihiri maariho asipaiwi gwitaatiwihiri isihiyai nunjitaatihi niyopi nisi piwiha nisapi anusaapi naisaihi asisihaiwa pihitahi taahiwaiwa 1,260 kiyati sanawutaise. <sup>4</sup>Iyataati suri utaamuri saimbi ipati oripihatimuruni ami sisiha ramihandi kasini ahotitandi yajatihauri nimaatarihauruni ahetiwaiwaamataimi Awaisiho yapihini nahanda jatisihomi ndimaahomwaaapi bitosurure. <sup>5</sup>Iyataati ami isihya tiworisa kuri tiwitaatiwaisaihaahi kurami maahomwaaapi sisiha noaipati kiyai neti tihamaitaise. Iyati ami usa kuri mimaiapiwiwi yaawihandi numwitaatiwiyohiyihiyaisangi siri kireti kiyai sisihaara tihati napwitaatiwe. <sup>6</sup>Aimi ami kuri Autahaatihomi piwiha kopi nepi awusaasiwaiwa asisihaiweti windi wipati wimaawitandi tiwipataatihi nepi wipati nisapuwitaatihi watipihandisahure. Aimi ami kuri waapihaati nepi nepemaisaihi noaipati jitipatimatitandi watipihandisahure. Aimi ami kurami maaritimi gwinyaaasirihireti japepihirimi wura wura wapa apipaahi maipihapa kahatamatipetahapa kaitaatihi watipihandisahure.

<sup>7</sup>Kuri saimbi Autahaatihomi piwiha isihyaapitimiha ausaapi owemasaihihura windi ainjihitihandi etaihiri tongihiri windi niwipimetahirombi noaipasitihandi kuri neti kohematati tiwati ipihatisati sururi tiwamaitaise. <sup>8</sup>Iyonihini kurami ambipati aunahipati awaipati nehi namihaniwi siwipati Sotomihande Isipihande tohipatami daihira kurami Awaisihoai ipi titihi atawihateti tipimandaapi tiwohipipihi ahotitaise. <sup>9</sup>Siyati kurami ambipati sapihi asisihai mairi maatati ami wa wihoaanjhaapi ahotanihi isihya kahatamatipetati

kahatamatiponjawihiyaami isihya ami piwiha kiha kiha piwaatohiyihya yapipati nahatewaaraahiya winjapi usondaapo. Aiwi kiya kurami ambipati nepi animwaahipatopi noasitaatiwihandapi poundonih nehi kiyati ahotitaise. <sup>10</sup>Iyonih isihya nahatiya yapipataapihi bimohiyihya kuri nga aimi napomaiso tiwi usoniwi maaritiwi aunihihiri katiwi nandapa awaimbipa tihwi naniwi kahapaamapipa gaahapa kiyaamihiyaisawi wihiwihooanji namindaapo. Sandi kiya maaritiwi kiyohitimandi ami kuri kiyai piwiha nepi ausaapi kaunditaatimi poundihe ami kuri piwiha ausaasura isihya nahatiya yapipatambihyai ambipati waati yaawihaiwa piwihaara sisiha yaipataahamataimi tipi mupwi tipihapi kawimi kaundimbimihuritiho.

<sup>11</sup>Ami asisiha siyati mairimaatih wihoanjihaatih aimi sanaihi Autaahaatih komi mbipa ditihiri kuramiheti japihi asitimatimi nepaitaatihihiri nusoaasih noti kuramihatih nandaataise. Aih kuri japihi nepapi dopi titih kurami auhiri itipapi bitotamaise. Aih isihya kurisi iwinjawaawi apipaahi awaindihandi maipaiwi yayawaayopo. <sup>12</sup>Aih kuri atisamaami utaaho wo yamihapataatihapi waati kaahaata piwiha kaundih atisamaise. Ko saundataase: “Sihooaahi kimbihapi nasaamanimi namise,” undataase. Aih kurami tiworisa winjasauhi kiyaami ndiheti tiwipati witaatih nandaasih kati kurisi numwaasi yamihapataatihapi niyataise. <sup>13</sup>Aih sura kuraanih ipipatihapi apipaahi awaipati noaipataise. Aih ami aunahipati katami tennihandami naasaipih neti nopisasinataise. Aih wihoanjihaiwa 9 kiyahaiwa windi namosasinati ahendaise. Aih sati ipipatihapi isihya 7,000 kaiwihyai tiwih napowaayopo. Aih isihya asiyihya bimohiyihya apipaahi aungwohandi yayawaayopo. Yaiwi Autaahaatih yamihapataatihapihomi ambipati mepi autaahepumawaayopo.

<sup>14</sup>Naanjindihandi awaindihandi kapihi 2 handi aimi noaipati owendaise. Isi atime. Naanjindihandi awaindihandi kapihandi 3 handi noaipaitandi aimi dete.

### Enjeriho 7 Ho Komi Kaparahiri Ipotaise

<sup>15</sup>Enjeriho 7 ho komi kaparahiri iposih isihya yamihapataatih bimohiyihya waapihitiwi waati satiwi katauhi nini atisataayo. “Nyami Awaisih ami utaaho komi isihyai japihi numwaitandi ahiwisih Mesaiyaahouni kindari noaipapi yapihi nahataahapi awaindindari kinjindarimatamaise. Isi Awaisih kinjhoematati konih apipaaho jinjapihi jatitaise,” tawaatopo. <sup>16</sup>Aih mitihya 24 kaiwihya kapihi yamihapataatih Autaahaatihomi ndiheti kiyaami kinj siyahaiwasini bimohiyihya atotipiwesawi kiyaami ndimaahomwaanji yapipatetimapi Autaahaatihopi gaapundawaatopo. <sup>17</sup>Aih kiya satiwi aunihitawaatopo: “Awaisihone, kinyi nahatewa watipihaiwaisapihone. Kinyi wanuni

ami jiji aimehurauni bimaami nambihone. Kinyi kinyi watipihandi awaindihandi aimi nehise. Nepi kinyi aimi Kinjihoni akitihonimatapaise. Aihi nyahi gisi gaahone hitihaato. <sup>18</sup>Kinyapi windi gimaahunyaapihiya apipaahi apousataise. Aihi ami kinyi apositandihura wani koaipataise. Wani kimura napohiyihiya nepasi kinyi piwiha piwaatitaatiwihapihapi nutaatiwihure. Kinyi wani kimura kinyi otipipatihiya piropetihiyai kinyi otipipati kahisotihandapi wihoanjihandi gaahandi numwitaapihure. Aimbami kinyi otitihimohiyihiya nahatyiaysi wihoanjihandi numwitaapihure. Siya isiya ambipati awaipati nepihiyauni ami ambipati awaipati namepihiyauno. Wani kimura isihiya ami isihiya usaisi nepi nopisasiwi timahohiyihiyai kinyi nepi nusopisapi ami timaitaapihure.” tawaatopo.

<sup>19</sup>Kiya mitihiya satiwi katiwi aimi owetihienjerihiya Autaahaatihomi anjanji yamihapataatihia ahetsaanjanjami maasomwaanji nuhauhi bokisihandi Autaahaatiho komi isihiyaisati piwiha wisasisiha windindihandi auta kandi anjandaatihia ahondaise. Aihi kinapipa waati mihopi mihini kinapinataise. Iyati ami ipipatipati ipipatipinataise. Iyati ami wipati ndihaisihati wipiwati timahiyataise.

**Joniho Apopaatisuni Akwiraniho Awaisihoaisuni Usonataise**

**12** <sup>1</sup>Aihi siwipati witi kati wipetahati yamihapataatihia noaipataise. Sati siwipati siyahatapito. Apopaati waati bindataise. Saati itapaati ipihoaisi neti apotihiramatiyati niyoti nipaataise. Aihi ami waatiho kaatami auhiraapihi yatihia itipasaataati ahotihia ami kaatami mitihaatihia kaumbwaati 12 kiyahaati tingaatihaamatiyati kaatamihasini ahondaise. <sup>2</sup>Saati apopaati gwisahaate. Aihi kaatami maaha namwitandi yaawitandihandi aimi kusaipataise. Kaati siyati maaha namwitandiyataati yaawindihandi apipaahi aungwohandi waati nusoipati yaawataise. Aihi kaati waati nehotatati ngoti kaahandaase. <sup>3</sup>Aihi ami witi siwipati kati wipetihati yamihapataatihia noaipataise. Sati siwipati siyate: Akwiraniho apipaahi aungwoyonji amatenihinji ahondaise. Aihi so akwiranomi mitihaiwa 7 kiyahaiwaare. Aihi ami komi mitihoaatihia maasamaahipiho 10 kiyahaiwa nutati ahetahore. Aihi komi mitihaiweti tingaatiha kinjhiyaami nipaatohihaami 7 kiyahaiwa nipaatahore. <sup>4</sup>Aihi akwiraniho awaisomi nawitihora kaumbwaati taahiwaiwai tiwawoti nemasihi yamihapataatihia namasisi kaatapi maapi yapipataapihi timahiyataise. Sandi kaumbwaati nepi tipitapaapi mairimandaapihi ahiyawihandisi windi naasaindaapihaati nahataami timahiyataise.

Aihi ko akwiraniho apopaati maaha namwitandaisaamaatami deti bindataati maaha aimi namoniha ka neti nandandi jatataise. <sup>5</sup>Aihi kaati maaha woho namotaise. Sonji metonji Autaahaatiho aimi

namihanahonje. Ko irihiri ainihiri isiwati isihya yapihhi nahandaahiyai iwinjatitando. Konji metonji kaati namotaataahi keti kuraanihi konji metonji nepi isisi metaahi yamihapataatihhi niyawaayopo. Numwaasi naiwi Autaahaatihhoapihhi komi bimimbipihhi isihiyai iwinjaati bimitandhi ahiwisawaayopo. <sup>6</sup>Aihhi ami kaati apopaati yanihimati isihya owehapihhi notaise. Sapihhi kaati naimbipihhi ami kaati kapihhi bimitandihapihhi Autaahaatihho aimi neti turimasipipihhe. Isi kapihhi isihya kaati iwinjaawi bindawaawi nandapa nunyawawi bimisaihi asisihaiwa 1,260 kiyati sanawutaise. <sup>7</sup>Aihhi ami yamihapataatihhi pwisipati aungwohandi noaipataise. Sati pwisipiti Maikorihouni komi enjerihyauni so akwiraniho awaisoai tiwawaayopo. Aihhi ami so akwiraniho awaisomi enjerihya ami wihooanji tiwawaayopo. <sup>8</sup>Wihooanji tiwawaahandi kandi kiyaaahimatiwi tipi ipihatitaatiwi watipihandi owehiyaare. Isi kiya akwiranihomi enjerihya yamihapataatihhi bimimitaatiwihapi owetise. <sup>9</sup>Aihhi Autaahaatihhomi enjerihya so akwiranihoai nepi yapipataapihhi yotawaayopo. So akwirano aimaaho aimehuraapihopito. Kopi satiwi Maipihho ami Bwaasirihiro tohihopito. So Maipo isihya nahatiyai jaipundoaatoatisihore. Aihhi koaisi yapipataapihhi nepi yotawaayopo. Aihhi ami komi enjerihyaisangi ahoyawi maasi yapipataapihhi nepi yotawaayopo.

<sup>10</sup>Aihhi yamihapataatihapi utaaho wo waapihita satati katihhi nini atisataayo: “Wani Autaahaatihho nyangi aimi japihhi nanyamaataise. Iyati ami komi watipihandi aimi auta noaipataise. Iyati ami ko Awaisiho Kinjhoematati isihiyai iwinjaati bindataise. Iyataati ami komi isihiyai japihhi numwaitandi namihainjihho Mesaiyaaho wandihha watipihandi aimi netaise. Sandi apaapimaato, utaaho nyami naisihiyaisi kiya kiyohiwaiwaapi ‘sahi saiwihyaate saiwihyaate,’ undati Autaahaatihhomi ndiheti Bwaasirihiri ikwiwisatoatisihhoai enjerihya nepi mihaapi yapipataapihemawaayopo. <sup>11</sup>Nyami naisihya nyamataiwi Kiraisihopi giwunyaahohiyihya Jisaasiho Sipisipihho Sipipihohomatiyahomi jitipataahi Bwaasirihirisi tipi ipihatisawaayopo. Autaahaatihhomi piwiha ausaahauhi isihya piwiha kaapundiwi tiwauhhandi kandi kiya naanjhandi namepi nga baiwi bimitaatiwihandapi waati gimunyaapi yamaiwi piwiha ausawaayopo. <sup>12</sup>Isi kinyi yamihapatahuni ami isihyaati nahatiyaati yamihapataatihhi bimohiyihyaate maaritiwi tihaapaiwise. Iyataati ami yapipatahuni durihiraununi jaapo naanjhandi awaindihandi kinyi naitaino. Sandi apaapimaato ami Bwaasirihiri aimi yapipataapihhi napihito. Bwaasirihiri aimi napwitandhi apipaahi masihonji ahotihhi apipaahi aungwohandi kirisi apousataise,” ndaase

<sup>13</sup>So akwiranoai aimi nepi mihaapi yapipataapihhi yotauhi mmonataati apopaati maaha woho jihhi namwisaamaati wiratataise. <sup>14</sup>Wiratihhi kaati apopaati boho awaisihomi ditati yatimwi nunyawaayopo ami kaati

ditati kataahi autaahi piriruti kaatami aunahipa Autaahaatiho neti turimasipati isihiya owehapihapi nutando. Noti akwiraniho sopi kaanihi nawisati bimitando. Noti sapihi bimonihiki kiya iwinjaawi bindawa nandapa nunyami naisaihi kinaungwiha mairimaatanihi ami wihoaariha sanawutando. <sup>15</sup>Akwiraniho itapaati saatapi apowihiki waapihaati waati usepuwati kaati neti itaatisati tiwati nosasito tati akwiraniho waapihaati aungwohandi komi maahomwaaarihi daahiwausoaaasihiki kaatami ipoti usepupwi wirainji notaise. <sup>16</sup>Siyati akwiraniho waapihaati daahiwausoaaasihiki naihihandi kandi yapipati kaati neti iwitatamanitandi nasipatati nutati maahomwaaarihiyati aatihi waapihaati akwiraniho nusoaaasisaamaati nahataami kopi noti nandaataise. <sup>17</sup>Aihi ko akwiranihoai apipaahi apousamasihiki kaati apopaatapi ami kaatami mwaaya usai neti tiwitandi gwinyaataise. Iyati kiyaisati tundandi notaise. Kaatami mwaaya siya Autaahaatihomi winihapipa baiwi atiwi nepi japepihirohihiyaare. Aiwi ami kiya Jisaasihomi piwiha ausaapi kaundiwi koai niwipinjohiyihyaare. <sup>18</sup>Aihi ko akwiraniho aunahipati neti durihiri sapipa soriwaraahandami mangiraini aripataatihi bitondaise.

### Ainjihiwauri Pusihomatiyahauri Yatimwi Noaipamaise

**13** <sup>1</sup>Aihi nini ainjihitihandi windi durihiri sapipa soriwaraahandaatihapi noaipasihiki iwinjataayo. Iyati ami kandi mitihaiwa taahiwaiwa 7 kiyahaiwaisahande. Iyati. ami kandi maasamaahipo 10 kiyahaiwa nutahande. Iyataati ami kandami maasamaahipihaiweti tingaatiha kinjhiya nipaatotiha 10 kiyahaiwa nipandataise. Iyataati ami kandami mitihaiweti ambihaiwa wiwa sisipihitati manditipitahaiwa jipatipindahande. Saiwa ambiwa Autaahaatihopi manditipaiwi sisipihitiwihaiwa maipihaiwa jipatipindataise. <sup>2</sup>Iyataati sandi ainjihitindi nini usonihotimandi pusihoho awaisihoho ainjihihomatiyahande. So pusiketihoho ainjihihoho lepatihoho tiwi ambihitiwihohoe. Iyataati ami kandami auhiri ainjihitihandi awaindihandi beyaahandami auhiramatiyahire. Iyati ami kandami maahomwaaarihi raiyonihandami maahomwaaarihiyatihamwaaarihi. Aihiki akwiraniho awaisihoho komi watipihandi ainjihitihandi ami ko sawahomatiyati awaisihohematati isihiyai iwinjatitandi aunahipati siya kinjhandi nunyati ami otipipati kandaahi kiyati isihiyai iwinjatitandihandi watipihandi apipaahi awaindihandi nunyataise. <sup>3</sup>Sandi ainjihitindami mitihaiwaami mitihoho woai yahauhi maanihi napoti asaatahande. Siyati kandi sawimatihihandi kandi windi namwaaarihi isihiyai yapihiki nahandaahiya yaiwimapi ese tiwi baiwi usoniwi ami kandi nahatiya niwipinjawaayopo. <sup>4</sup>Aihiki isihiyai akwiraniho awaisihohai mepi autaahepumapi kopi gaapundawaatopo. Ami ko komi watipihandi ainjihitihandi numwihi

isihya kandi ainjihitihandapi maaritiwi kandi mepi autaahepumapi kandapi gaapundiwi ami kiya satawaatopo: “Dindinihi kimandi ainjihitimandamatiyahande. Kandisati ndinihi nga tunati yahwindaise?” tiwi kandami ambipati mepi autaahepumawaayopo.

<sup>5</sup>Aihi sandi ainjihitindi Autaahaatiho nehi iwinjasihi kandi ainjihitindi waati kaahaatati Autaahaatihopi sisipihindaase. Kandi satati katati sisipihitimi nutandi kandi waatiho 42 kiyahopi Autaahaatiho watipihandi numwihi ahotahande. <sup>6</sup>Kandi ainjihitindi kandami maahomwaaŋi nausaati Autaahaatihopi sisipihindaase. Iyati ami Autaahaatihomi ambipatapi sisipihindaase. Iyati ami Autaahaatiho bimimbipihapuni ami usa yamihapataatihi ko bimimbipih koaisawi maasi bimohiyihyaapuni sisipihindaase. <sup>7</sup>Ainjihitihandi kiyati kandi kaito tati Autaahaatiho nehi winjasihi kandi ainjihitihandi Autaahaatihomi isihyai kandihimatati tiwati ipatisati ami kandi watipihandi netaise isihya nahatiya kahatamatiponjawihya yapih nahandaahiya piwiha kiha kiha piwaatiwi ami ambipati kahatamatipetahiyai awaindihandimatati iwinjaati bimitando. <sup>8</sup>Isihya nahatiya yapipatambihya Autaahaatiho yapipati sangi kiyati ahaihi sangi noaipasura kiyaami ambipati witi utipihom asitimatitaatiwihandaatihi ahimotisawihya siya nahatiya sandi ainjihitindapi maaritiwi kandi nepi mepi autaahepumaitaapo. So utipihom asitimatitaatiwihandamo Mwaaho Sipisipihomihore jihura tiwauhi napwisihom.

<sup>9</sup>Ami utaaho atihirisahosi piwima kima biyati atisati nene.

<sup>10</sup>Utaaho wopi Autaahaatiho so napwititaise tati namihanonaahi ami ko napwititaise. Iyati utaaho wopi soai namatanaata tisatitaapo tati namihanonaahi ami koaisi kana namatanaata tisatitaapo. Saiwa siyati noaipahonihom ami Autaahaatihomi isihya kiyaami giwunyaahohitihandi windi namaamapi anitiwi isiwatitaatiwe.

<sup>11</sup>Aihi ami ainjihitihandi windi yapipataatihapi noaipasihi nini iwinjataayo kandami mitihooatihapi maasamaahipiho sipisipihom maasamaapihomatiyahauri nutatotaho. Iyataati ami kandami piwiha gapipa akwiraniho awaisihom gaatumwaaŋi noaipataise. <sup>12</sup>Sandi ainjihitindi kapihi noaipasihom ainjihitihandi jihom noaipasitihandisati maasi bindataahura jihom watipihandi nahandi ipotihom netaise. Neti bindata ainjihitihandi jihandapi gaapundiwi kandami ambipati nuwimaapise undihom isihya yapipataambihyauni ami yapipatuni kopi maaritiwi kandi nepi mepi autaahepumawaayopo. Iyati kandi ainjihitihandi jihandi asaaha apipaahi aungwohandi maipihandi aimi neti nga napwitaahetahandindaahandi kandi asaaha ka aimi awasati yambwimanahore. <sup>13</sup>Kandi ainjihitihandi ipoti noaipasitihandi watipihaiwa wiwa kahatamatipetihaiwa awaiwaiwa kiyataise. Kandami watipihaiwa kaiwaiwaami windi kaindihandi siyahande:

Isihiya nahatiyaami ndiheti sisihaaraji yamihapataatihapi timahiye tihimi ami ka sisiha yamihapataatihiraapi yapipataapihi timahiyataise. <sup>14</sup>Ainjihitihandi jihimi noaipasitihandami watipihandaahi watipihaiwa kahatamatipetahaiwa kiyataise ami kandi kiyati kaito tati Autaahaatiho nehi iwinjasihimi watipihaiwa kahatamatipetahaiwa kiyataise. Kandami siyati kaindimandaahi isihiya yapipatambihiyai jaipundataase. Iyati ami kandi isihiyai sata kaundataase. “Sahi kimandi ainjihitimandi jihimandami siwipati witi kaiwise. Kaiwosawi kandapi maaritiwi kandi nepi mepi autaahepumwaitaatiwo. Sandi ainjihitimandi jihura namatanaati kosasihiri wihiwihooanapi otitahanaata kandi napwitando tiwi tsitauhihandisi kandi windi namwaapwise, asitihandi kimandi bindataise,” undataase. <sup>15</sup>Aihi sandi ainjihitihandi siwipati isihiya kiyohipati ainjihitihandi kapihandi 2 handi mbipa ditihiri kandi asitimataati maarisati piwaatitandihiri nunyataise. Numwihi kati siwipati maarisati piwandaase. Aihimi ami nahatiya sandi ainjihitihandi jihandami siwipatapi windi atotipiwesawi gaapimundiwi mepi autaahepumaamahohiyihiyai siyihiyai tiwauhi kiya napowaayopo.

<sup>16</sup>Aihi ami ainjihitihandi kapihi 2-handi noaipasitihandi katihi isihiya nahatiyaami ikwiri gaatihireto ami amiteteto maakihiri siwipati witi ahiyawaayopo. Isihiya ambipati autaaahi ahotahiyaamihetuni ami isihiya nehihatima ambipati owehiyaamihetuni ami nawiho kahapaamapipa asaketahiyaamihetuni ami isihiya nawiho windi namepihati otipipati isihiya usaamihati kawisohiyihiyamihetuni ami nawiho namepihati otipipati isihiya usaamihati kamawiwi nehihiyamihetuni maakihiri siwipati ahiwisawaayopo. <sup>17</sup>Isi ami utaaho womiheti ainjihitihandami maakihiri siwipati ahimotati owetaho ami komi ambipatami nambaahandi ahimotati oweho isihiya usaamihapa noti nawiho nunyati windi namaitaise. Iyataati ami komihapaisangi nawiho nunyawahi usa namaitaapo. <sup>18</sup>Utaaho wo amitiha gaahaisaho sandapi giwunyaatati nusesipatitaise. Iyataati utaaho wo biyati gwinyaaho ainjihitihandami nambaahandi biyati awitati mmondaise. Sandi nambaahandi utaaho womihande. Utaaho somi nambaahandi 666 hande.

**Mwaaho Sipisipihomi Isihiya Aunihihiri  
Wanihiri Asirihiri Aunihitawaatopo**

**14** <sup>1</sup>Aihi ami nini japihi jata Mwaaho Sipisipihomi Sipisipihohomi Sisiho Saiyonhoasini bitosihimi ami isihiya 144,000 kaiwihiyai maasi koaisawi bitohauhi iwinjataayo. Ko Sipisipihomi Sipisipihohomi ambipati ami komi Sapiho Autaahaatihomihatuni kiyaami amiteteti Autaahaatiho jipatipiyatosihimi aimi jipatipindahiyaare. <sup>2</sup>Aihi nini atisataati piwaha gapipa waapihaati taahiwaiwaami nausiha norihiramatiyati bitati sanahiwitahapa yamihapataatihapi gaatinjihimi nini atisataayo. Sandi

gaatinjitimandi asoaaha waati awaisiha gaatipatamatiyati gaatihi atisataayo. Sandi gaatinjitimandi isihiya kwrenjoho kiyohiyihiya kiyaami kwrenjoho kiyauhi gaatipatamatiyati gaatinjihi nini atisataayo. <sup>3</sup>Siya isiya Autaahaatiho bimimbipihiki komi ndihetuni ami wapa mauri mauri asitimatati nasisoaari ahotimi naimbipaami ndihetuni ami mitihiya 24 kaiwihyaami ndihetuni bitotawa aunihihiri wanihiri asirihiri katawaatopo. Siya isiya 144,000 kaiwimiya isihiya yapipataapihiki bimohiyihiyaami otihiatihapi Autaahaatiho nunyati numwaasawihyaare. Aunihihiri asirihiri siri kiyaisaahiki giwunyaatati nusesipatahire. O isihiya usa nehihya siri aunihihiri windi gimaawunyaatati namausesipatahire. <sup>4</sup>Siya isiya asihya usaisawi ambipati windi timaamaamaitawaawi kipati atiha waatihiri windi ahimotahyaare. Kiya titihi gaahiya ainahiyihiya usihiya ami asihyaisawi namopi nehi wenjhiya waimwaaya apwainiyihiyaamatawi bimambiwihyaare. Sipisipihiki Mwaaho Sipipihohi wapihi naihihapi kiyaisangi niyohiyihiyaare. Siya isiya yapipataapihiki bimohiyihiyaamihatihapi japihi numwaasawihyaare. Siya isiya jihapihiyai namasati komihiyaimatitaatiwuni ami Sipisipihiki Mwaaho Sipipihohomihiyaimatitaatiwuni numwaasawihyaare. <sup>5</sup>Siya isiya piwiha jaiwitiwiha windi kamaatiwimapihyaare. Aiwi ami kiya wapa maipihapaapi piwiha owehiya ainahiyihiyaare.

### **Enjerihya Muri Mingwaasi Piwiha AUSAWAAYOPO**

<sup>6</sup>Aihi ami enjeriho wo pirirutiho yamihapatami otihihapihi sanaihi nini iwinjataayo. So enjeriho piwiha gaaha waniha jinjapihi nasisoaari bimitaatiwihandamiha isiwahore isihiya yapipataapihiki bimohiyihiyai ausaati kaunditandiho. Iyati isihiya yapihiki nahandaahiyai ami ambipati kahatamatiponjawihiyai ami piwiha ninaasaami ambipati kahatamatipetisawihyaami piwiha kiha kiha piwaatohiyihiyai piwiha ausaati kanditando. <sup>7</sup>Aihi ko waapihitati sandaase: “Isihiya kiyohiwaiwa Autaahaatiho neti tipitapaati mmondandihura aimi koaipataise. Isi sahi kopi yayiwi komi ambipati mepi autaahepumapise. Ko yamihapatuni yapipatuni ami durihiri awairihiruni waapoho gwiharaahapa mwititutati noaati noamasipipauni ahaisihore.

<sup>8</sup>Aihi ami enjeriho wo jihi napisihomi ipoti niwipinjai nasataise. Ko enjeriho ipoti napisihiki satati kandaase: “Aunahipati awaipati Baabironihandi aimi nopiasinataise! Ye, aimi nopiasinataise! Sati aunahipati Baabironihandi isihiya nahatiyai waapoho naniwi naharitaatiwiho wainihandi naniwi kiho kihaatisawi ambipati timaamaitiwise undati kiyaunjihiki nehi kapa apipaahi maipihapaapaahiki maariho nusoasamapi kiyawaayopo. Sati aunahipiti isihiya nahatiyai siyaunjati Autaahaatihoai apousonihiki yaawihandi wihooanjihandi isihiyai



numwitandihiretemati kiyataise,” ndaase. <sup>9-10</sup> Aihi ami enjeriho wo jihi napisururami ipoti nasataise. Ipoti nasataati ko enjero waati kaahaata sandaase: “Utaaho wo sandi ainjihitindapuni ami kandami siwipatapuni maaritati aunihihiri aunihitati gaapundati mepi autaahemwati ami kandami ambipatami maakihiri ndimaahomwaaŋi amitetetisangi ami ikwiretisangi nesihō Autaahaatihōai apowindihandi waapoho wainihandamatiyati wapaisati tiwa nauhimundihandi apowindihandami wipati kapihōpi nuhaunyonihī nandaise. Sandi wainindi apipaahi watipihandi Autaahaatihōai apowindihande. Iyati ko Autaahaatihomi enjerihyaami ndihetuni ami Sipisipihō Mwaaho Sipipihohomi ndihetuni komi ambipati apipaahi aungwohandi yaawihandi sisiha durihiri nawiha saripaaheti tihati nasasiwati noaatisihaara tundonihī naitaise.<sup>e</sup> <sup>11</sup> Isihiyai ambipati yaawihandi sisiha tundisihāami sitipati katinihī nasisoari noaipatoaatitaise. Iyonihī isihya apatihī otapihaati windi ikimaanīwi kandinihī ambipati yaawihandi nepi nowaatitaapo. Sandi apaapimaahē, siya isimiya yaawihandi naitaatiwimandi ainjihitihandapuni kandami siwipatapuni atotipiwesawi gaapundiwi ami kandami maakihiri nehohitihandape. <sup>12</sup> Saiwa siya noaipahonihī Autaahaatihomi isihya andititīwi bitopise. Siya isiya Autaahaatihomi winihapīpa baiwi atīwi nepi winihapīpa katirihireti japepihīriwi ami Jisaasihōpi giwunyaahohitihandi namaamapi koai anitīwi isiwasihiyihyaare.

<sup>13</sup> Aihi ami yamihapataatihapī piwiha wa siyaha noaipasihī nini atisataayo. “Kinyi piwiha satipi jipatipaime. ‘Wanuni ami ipoti ipotuni isihya Awasihōpi baiwi giwunyaapihiya napohiyihya gaasi kiya maaritīwise,’ ” ndaase. Aihi ami Itipihō Gaahoaisangi sandaase: “Kiya akitinihī apipaahi maaritīwise kiyaami dipiwaatiwi kiyohiwaiwaisi ikindaatiwihandi naitaatiwi aimi namawaayowo. Aiwi ami kiya nehī windi namaitaapo. Kiyaami gaahaiwa napaitīwi kiyohiwaiwai maasi kiyaisati notaise,” tawaatopo.

#### **Nandapa Yapipataapihi Timetati Aimi Akuraihi Kipwitaatiwihure**

<sup>14</sup> Aihi ami nini japihi jata tiwipati witi kihoepihati iwinjataayo. Aihī kati tiwipataatihī utaaho wo Isihyaami Saaho Jihomatiyaho sati tiwipataatihī bimihī usonataayo. So utasomi mitihōaatihī tingaatiha wa gorihanda kaiwiha nipaatahore. Iyati ko komi ikwireti namatanaati wanaati ukīhiramatiyati ikosindahanaati apipaahi tipipa kiyahanaati isiwahore. <sup>15</sup> Aihī ami enjeriho wo Autaahaatihomi anipipihapī noaipasi nasataise. Nasati enjeriho tiwipataatihī bimisihōai waati kaahaata

<sup>e</sup> **14:9-10** Nawiha saripaaheti sisiha tahataahura apipaahi awaindihandi noaatati durihandi nimandati ami kandami andihiri maipiyati ainjotati kwitihō noaipati ami utaarihandi tihatoaatihāapitopo.

sata kaundataase: “Kinyi namatimanaati nepapi nandimba tizatipi kumwe nandapa yapipataapihapa aimi tihati timendaiso. Wani kimura nandapa akuraihi kipwitaatiwihuraaso,” ndaase. <sup>16</sup>Aihi ko tiwipataatihi bimiho namatanaati isiwati yatih nambitati mihaapi yapipataapihi nahataapihi nandapa aimi tihati timetimbipa tizatati kipotaise.

<sup>17</sup>Aihi ami enjeriho wo Autaahaatihomi anjipipihahi yamihapataatihapi noaipasi nasataise. Iyati ami koaisangi namatanaati apipaahi timwipihanaati ukihiramatiyati nangisandihanaati isiwahore. <sup>18</sup>Aihi ami enjeriho woaisangi aritaahandaatihapi nehahaati noaipasi nasataise. So enjero sisiha jatitandi watipihandisihore. Aihi ko waapihita namataanaati apipaahi timwipihanaati isiwatisihoai sata kaundataase: “Yapipataapihi nahataapihi wainihandami yandipihohi aimi tihati mimoti ahondaise. Isi kinyi kinyi namatimanaata namandipapi wainihandami yandipihohi nepi wonjaapihi ahoaimbi ahiye,” undataase. <sup>19</sup>Aihi ko enjeriho mihaapi yapipataapihi nahataapihi nambitati komi namatanaati timwipihanaati yapipataapihi wainihandami yandipihohi namandipati ahoyati ahiyataise. Ahiyatati neti kandi wainihandi timwaamwisati jasati namwaitandihandaatihahi ahiyataise. Siyati kaindimandi sandi Autaahaatihoai apowindihandapi namihanahandi kiyataise. <sup>20</sup>Aihi kandi wainihandami yandipihohi jasati timwaamwisati namwaitandihandaahi aunahipatami ipaahaapi nehahaati jasati namotaise. Kandaahi taati tiwati jasihihura jitipati nehahaati noipati nehahaati jitipati waapihaamatiyati 300 kiro mitaahandi usepupwi notaise. Aihi ami kati jitipatami autaahi nimainji sanaindihandi maasapiho osihandami mitihaumwaanindaise.

### Enjerihiya 7 Kaiwihaiya Wapa Maipihaiwa 7 Kiyahaiwa Isiwatawaayopo

**15** <sup>1</sup>Aihi ami windi wipetahandi yamipataatihi noaipasihahi jataayo. Jataati nini apipaahi waati aungwohandi yayataayo. Nini saindi jata jihaati enjerihiya 7 kaiwihaiya ami apipaahi maipihaiwa 7 kaiwihaiwa isihaiya yapipatambihaiyai naanati yaawihandi numwitaatiwihaiwa isiwasauihi nini mmonataayo. Saiwa apipaahi maipiwai jihaati wapa windi namoapaitandi Autaahaatihoai apowindihandami ipotihaiwe. Ami saiwasati Autaahaatihoai apowindihandi aimi owendaise. <sup>2</sup>Aihi nini jata durihiri wiri garaasihomatiyahiri sisihaisahiri ahethi jataayo. Kaihi sandi durindaini isihaiya windi ainjihitihandisuni kandami siwipatisuni ami kandami ambipatami nambaahandisuni ahosumwapi pohipiwihahi tipihatisohiyihaihi kiri durihiraini apwihiri kwirenjoho Autaahaatiho numwihahi isipi bitotawaayopo. <sup>3</sup>Aihi kiya Autaahaatihomi otipipatiho Mosesihomi aunihihiruni ami Sipisipihohi Mwaaho sipipihohomi aunihihiri satiwi katawaatopo: “Awaisihonji Autaahaatihonje, kinyi

nahatewa watipihaiwaisahonjisi otipipati watipihaiwa wipetahaiwa kiyapaise. Kainihi nyahi mmonihaawi nyami maariho owenyendaise. Awaisihonji Kijihonji isihiya nahatiyai jinjapihi jinjapihi iwinjatingihonge. Kinyi kaingiwimaiwa apipaahi titihi akitihaiwa kiyapaise. <sup>4</sup>Awaisihonji kinyi naasonjiji ainahihonji bindapaise. Isi isihiya nahatiya kinyapi yaiwi kinyi ambipati mepi autaahepimapise. Isihiya nahatiya napiwi kinyapi aunihihiri katiwi gaapunditaapo kinyi gaahaiwa titihaiwa kaingiwaiwa aimi auta noaipasihimmonawaawo,” tiwi aunihihiri katawaatopo.

<sup>5</sup>Saiwa siyati noipati aimi owetihini nini japihi jata ami nehi kandi windi ahotihini iwinjataayo. Autaahaatihomi anjanji awaisaanjanjemahohitihandi serihandi yamihapataatihini ahetsaanjanji sawaho bindataati piwiha wisasisihaapi akiti akaahe titandihanjini nundihini mmonataayo. <sup>6</sup>Aihi enjerihiya 7 kaiwihiya ami wiwa apipaahi maipihaiwa 7 kaiwihaiwa isihiyai neti nusopisasitandihaiwa kiya isipi Autaahaatihomi anititihapi noaipasi nasawaayopo. Aiwi kiya enjerihiya apotihiri kihopihiri apipaahi gaahiri nausaatahiri niyopihiyaare. Aiwi ami kiya yamepati witi gaahati gorihanda kaiwihati kiyaami kiriwipatotiti utihiramataiwi nipaatiwi wisasaniwihiyaare. <sup>7</sup>Aihi wapa 4 kiyahapa asitimatati nasisoari ahotimi naimbipaami windi wapa disihaiwa gorihanda kaiwihaiwaami 7 kaiwihaiwa netati kiya enjerihiya 7 kaiwihiyai nunyataise. Saiwa disiwatihini Autaahaatihoni nasisoari bimaami naisihomi apowindihandi tisaitati ahotahaiwaare. <sup>8</sup>Aihi Autaahaatihomi anjitihi nausainjitihi yundanyihaiami sitipati sisarihiruni Autaahaatihomi watipihanduni katihini waati tisaahiwa ahondaise. Aihi isihiya apipaahi nga windi katihini namindaitaapo. Apipaahi owetitaise. Kiya nehi jatawaayopo enjerihiya 7 kaiwihiya apipaahi maipihaiwaami disihaiwa 7 kiyahaiwaara otipipati kaiwi owemasaihapo.

**Disihaiwa 7 Kiyahaiwa Autaahaatihomi  
Apowindihandi Ahotiwaiwa Nepuhowaayopo**

**16** <sup>1</sup>Aihi Autaahaatihomi anjitihi utaahe womi gapipa noaipasihini nini atisataayo. Sapa gapipa enjerihiya 7 kaiwihiyai waapihitati sata kaundataase: “Sahi saiwa disimaiwa Autaahaatihomi apowindihandi ahotiwimaiwa nepi mihaapi yapipataapihi nepuhiwise,” undati kaundataase. <sup>2</sup>Kaihi enjeriho jiho komi disihandi neti mihaapi yapipateti nepuhotaise. Nepuhihi asaaha kahatamatipetahaiwa apipaahi maipihaiwa watipihaiwa aungwohaiwa isihiya ainjihitihandami maakihiri nepi ahetaami kandami siwipatapi maaritiwi kati siwipatisi mepi autaahepumapi gaapundohiyihiyaami ambipateti noaipataise. <sup>3</sup>Kaihi ami enjeriho kapiho komi disihandi neti durihiraatihini nepuhotaise. Nepuhihi durihiri noipati isihiya napohiyihiyaami

jitipatamatetahandi nimaanataise. Kaihi kahapaamapipa katihia asipipa bimimbipa kapaanihi napotaise. <sup>4</sup>Kaihi kapihi enjeriho 3 ho komi disihandi neti waapihaati awaiwaiwetuni ami waapoho gwiharaahoetuni nepuhotaise. Nepuhihi waapoho nahataapa noaipati jitipindaise. <sup>5</sup>Kaihi enjeriho waapoho waapihaati jatisiho satati katihia nini atisataayo. “Autaahaatihonje, kinyi jihia apipaahi aimehura bimingihonji konjinihi ami wanisangi konjinihi bindapaise. Kinyi Autaahaatihonji ainahihonji gaahonje. Kinyi isihiyai ami wapai tipitapaapi mmonihingitihandi apipaahi akitinihi titihaiwa kiyapaise. <sup>6</sup>Isimiya siya kinyi otipipatihia piwiha angusaahohiyihiyaisuni ami isihia kinyihia kinyapi gihunyaahohiyihiyaisuni siyihiyai tiwauhi napwauhi kiyaami jitipati nepi nuhoahohiyihiyaare. Aihia ami wani kinyi kiyai kandapi wihoaanjihandi titihia jitipati aima kiya nandaatiwi nunyapaise. Ami sandihia titihia kaimbi isihia maipihiyai kiyaami kiyohirihireti japepahiripi nunyapaise,” tati katihia nini atisataayo. <sup>7</sup>Aihia ami nini aritaahandaapihapi utaaho womi maahomwaanji piwiha atisataayo. Iyataati sa piwa sataha atisataayo: “Awaisihonje. Kinyi Autaahaatihonji nahatewa watipihaiwaisapihonje. Kinyi isihiyaisi tipitapaapi usonipi saiwi saiwihiyaate undingipipa titihia akitihaiwa kiyapaise,” ndaase.

<sup>8</sup>Aihia ami enjeriho 4 ho komi disihandi ipihoasini nepuhotaise. Aihia Autaahaatihia ipihoi neti waati dimaasihia ko waati aungwohandi watipihia ipindaati isihiyai neti waati kora tihataise. <sup>9</sup>Ipiho siyati namatitai waati mitaahi ipindaati isihiyai neti tiperipati kora tihataise. Saihihandi kiya isiya Autaahaatihia saiwa apipaahi maipimaiwa jatataati ami neti nusoasitandi watipihandi nahandi komiheti ahotisihomi ambipatapi maipihia katiwi nepi nopisasiwi katapi sisipihitawaatopo. Aihia kiya windi sandapi kiyaami maipihaiwaatihapi namepemaitiwi ami Autaahaatihoi nepi niwimaapi ami ambipati awaipati windi namunyopo. Owetise.

<sup>10</sup>Kaihi enjeriho 5 ho komi disihandi utaaho ainjihihia awaisihoematati bindataati isihiyai iwinjatimbipihia komi siya kinjihandaapihia nepuhotaise. Aihia ko ainjihihia isihiyai iwinjaati bimimbipihia nahataapihia asihatamataise. Aihia isihiyai ambipati apipaahi maipiyati yaawihia nahiriwi kiyaami omasiha ikwiniwi naniwi tipipapi nehotawaayopo. <sup>11</sup>Sawimainjihandi kandi kiya kiyaami maipihaiwa kiyohiwaiwaatihapi windi namepemaitiwi ami kiyaami ambipati yaawati asaahaiwa niwinjitihandapi yamihapataatihapi Autaahaatihopi maipihia katiwi sisipihitawaatopo.

<sup>12</sup>Aihia enjeriho kapiho 6 ho komi disihia apipaahi maipihaiwaisaho waapihaati awaisaamaati Yupiretisihaateti nepuhihi kaati napatati apipaahi awasataise. Kinjhiya awaisawihia ipihia noaipasihioanjanjhiya kaati waapihaati nahaititaatiwi daihira nutati

japwaatati timetitandi sandi noaipataise. <sup>13</sup>Kaihi ami nini jata itipihoma maipihapa yapwitihihamatiahapa 3 kiyahapa noaipasihi iwinjataayo. Iyati sapa itipihoma maipihapaami wo akwiraniho apipaahi awaisihomi maahomwaanjapi noaipati ami wo uta ainjihihomi maahomwaanjapi noaipati ami wo utaaho piwiha jaiwitiha ausaasiho piropetihomi maahomwaanjapi noaipasihi nini iwinjataayo. <sup>14</sup>Ami sapa itipimo Bwaasirihirami itipihoma apipaahi maipihapa gonipati watipihaiwa kaitaatiwi watipihandishahapaae. Kapa yapipataapihi kinjihiyenda notaise. Noti kinjihiya nahatiyai neti ahoyati ami Awaisiho Autaahaatiho nahatewa watipihaiwaisahomi asisiha awaisiheti ko sawahoaisawi tundaatiwi numwaasi nasataise. Kinjihiya nahatiyaisi kiyaami pwisipi yaipa kiyohiyihiyaisawi nepi ahoaiwi numwaasi napisaihi ami pwisipati awaipati noaipahonihi awaisihoaisawi tunniwi yahwindaatiwo.

<sup>15</sup>“Atiwise! Ikohiya ikondaatiwi akiyaahi nasopatamataindi nini napito. Utaaho wo windi nanihiyati namototati komi uti apotihiri niyoti nipandanihi timetati ami ko windi somaahometanihi isihiya winjasaihi windi mamaawitandi jatisiho gaasi maaritane ami koai windi mamaawitaiso.”

<sup>16</sup>Aihi itipihoma maipihapa kinjihiya nahataapipihiya nahatiyai neti numwaasi nasati wapihi Piwiha Ipiruhaara Arimaaketonihande tiwi ambihitohipipihia ahoyataise.

<sup>17</sup>Aihi enjeriho 7 ho komi disihandi tiwipatami otihamwaanji nepuhihi Autaahaatihomi anjhandi awaindihandaatihapi ami ko bimesiho siya kinjihandi gwitihooasinihapi piwiha wa waapihita satati kandaase: “Nini nahataapa kaimi napiti wani kapaanihi aimi owendaise,” tati kandaase. <sup>18</sup>Aihi kinapipa nahataapipihia kinapinataise. Ami yamihapataatihapi kirihirupa awaindihandi ganati nawatepwinataise. Aihi ami asoaaha aungwohaiwa waati gandaase. Iyati ami ipipatipati aungwohandi ipipatipinataise. Sati ipipatipiti apipaahi awaipate. Ipipatipati siyahati jihura isihiya bimaami nasohura windi namwaipase. Owetise. Nehi wani kimati apipaahi awaipati noaipataise. <sup>19</sup>Kaihi aunahipati awaipati Baabironihandi mauri mandi nasipataise. Aihi ami sati ipipatipitaahi isihiya nahatiyaami ami yapipati nahatewaami aunahipihaiwa awaiwaiwaisangi timahiyati neti kaiwaanihi nosasinataise. Aihi ami Autaahaatiho aunahipati awaipati Baabironihandapi gwinyaataati koai apowindihandami wainihandi ami komi mandiha neti niwinaamanati sisiha nusaatisiho kaapiho neti nipinjati wiwiwati nandandi numwihi nanataise. <sup>20</sup>Kaihi yapihonya durihirami otihaati ahotisonyonya nahatonya ipipatipata neti durihiri namaasasihi owendaise. Aihi ami sisihaiwaisangi wiwa motinati kaiwaanihi owetamataise. <sup>21</sup>Kaihi wipati ndiha yamihapataatihapi waati aungwohaiwa timahiyataise. Wipati ndiha yamihapataatihapi timihaiwaiwa ninaasaindami naanjindihandi 45

kiro kiyate. Saiwa ndiha yamihapataatihapi isihyaamiheti timahiyataati isihiyai neti waati nusosataise. Aihi isihya satiwi, “Autaahaathi ndiha apipaahi watipihaiwa maipihaiwa napaapi neti nyamiheti timase?” tiwi Autaahaatihopi itihitiwi piwiha maipiha kopi katawaatopo.

### Enjeriho Jonihoai Apopaati Daihiraapihaati Nunjataise

**17** <sup>1</sup>Enjerihya 7 kaiwihya disihaiwa 7 kaiwihaiwa isiwashiyihyaami wo nasati ningisi sandataase: “Kinyi namme. Apopaati waati pihitai isihya taahiyihya kihiyaisati ambipati timaamaitati daayatoatisaamaati kaatami saindihandapi wihooanhandi yaawihandi nesitihandi nini gisi nangisitaano. Kaati waapihaati taahiwaiwa noapwijihipihi bimisaamaato. <sup>2</sup>Ami isihya kinjhiya yapihhi nahataahiya kaatisawi ambipati timaamaitawaayopo. Aiwi isihya usa yapihhi nahandaahiyaisangi kaatisawi ambipati timaamaitawaayopo. Saiwi kaatisawi ambipati timaamaitawaawi waapoho naniwi naharitaatiwo naniwi naharisohipataataiwi kiya naharisawaayopo,” ndataase.

<sup>3</sup>Aihi Itipihho Gaaho nisiheti waati nanoaipati nisaitihhi ami nisi maarihomi ndiha nanorihatihi ami enjeriho ningisi nanimaasi isihya owehapihi notaise. Aihi nundi kapihi mmonata apopaati waati ainjihihho amatenihooasini bimihhi iwinjataayo. So ainjihihomiheti ambipati itihapipa sisipihitiwihaiwa gaamati jipatipindataise. Aihi ko ainjihihho mitiho 7 kiyahaiwaisahore. Aihi ami komi mitihooatihapi maasamaahipihho mwitihiri 10 kiyahaiwa nutati ahetahore. <sup>4</sup>Iyataati saati apopaati apotihiri nyanyipihiri ami amatenihiri niyoti nipaatahaate. Iyati ami kaatami ambipatetuni ami apotihiretuni wapa yundanyiha gorihandi ami yumbipa nawiha otiwa kambwaati gaahapa ami konaarapiho nawihho apipaahi awaisihotihapa wira naahipoti yundanyainahaate. Iyati ami kaati kaatami ikwiri wiraahi wipati kaapiho gorihanda kaiwihho isiwahaate. Iyati ko gori kaapopi kaatami kihiyaisati ambipati timaamaitati ainjotati apipaahi maipihaiwa kaiwihaiwa tisaitati windataise. <sup>5</sup>Ami kaatami ndimaahomwaaaji amiteteti ambipati witi nehi siwipati kaatametirihiretapi namihaniwi satiwi: “Aunahipati Awaipati Baapironihandi Sandi usihya asihya daihiraapihiyaamuni ami Isihya Apipaahi Maipihaiwa Kiyohiyihyaamuni Yapipatambihya Apipaahi Maipihapa Kahatamatipetihapa Nahataapaami Tanyaaha Sanaate,” tiwihati jipatipindahaate. <sup>6</sup>Iyataati saati apopaati Autaahaatihomi isihya Jisaasihopi giwunyaahohiyihya “nyahi komihyaane,” tiwi komi ambipati piwiha windi namwoasawi awusaahohiyihya siyihiyai tiwamainjhaate. Kaati siyahaatisi kiya tiwamasawihyaami jitipati nanati ami waapoho watipihho naniwi naharisohihomatiyati naharihi nini kaati winjati mmonataayo.

Aihi nini kaati saindi iwinjataati yaindimati ami waati gwinyaataayo. 7Siyonihandi kandi ami enjeriho ningisi sandataase: “Kinyi napindapi yaimbimapi waati gwinyaahise? Nini gisi kimaati apomaatami ambipatami tanyaahapuni ami ainjiho kaati neti awitimasihomi mitiho 7 kiyahoaisaho ami maasamaahipiho 10 kiyahaiwaisahopimaawi kahititaano. 8 Ainjiho so kinyi aimi iwinjahingo, ko jihi bimainjahoe. Bimainjaho ko ami wani wometati wo bimimise. Bimindataahandi kandi ami ko animwaahipati tapotaaha apipaahi owehati etaihirombi nasaamanati noainji noaipaitaise. Siyati noaipasi niyonihi koaisi Kiraisihomi neti koaisinihi owemahonihi ami ko konihi apipaahi owetitaise. Iyonihi yapipataapihiya isihiyahati nahatiya wuwanihura Autaahaatiho yapipati yamihapati kahapaamapipa kaisuraapi namasati kiyaami ambipati utipihandi isihiyahati asitimatitaatiwihandaatihi ahimotiwihiyahati ko ainjihoai usonawaawi yaiwi aatiwimaitaapo ami ko jihi bimainjati ami wani wometamatatiho ko ami noaipataiso. 9 Utaaho amitiha gaahaisaho kimandapi koaisi giwunyaatati nusesipaitaise: Mitihomi 7 kiyamaiwa saiwa tipati sihoarihiri sisihaiwa kaiwaasini apopaati bimiwaiwe. Sisiho tipati sihoarihiri 7 kiyamaiwa saiwa awaisawihiyahati kinjhiya 7 kaiwihiyahati namihanataise. 10 Siyaami 5 kaiwihiyahati aimi noaipapihiyahati timahiyawini nepi nopisasiniwi aimi owetopo. Aihi wani naasohi kimo bindataise. Aihi ami wo sangi noaipati awaisihomi kinjhihoemaije. Isi ko noaipati awaisihomatati nehi masihonjapi bimitaise. 11 O ami so ainjihimomi jihura bimainjaho ko wo bimimindimandi sandi ami ko kinjhiho 8 hoematati noaipaitandihandape. Iyataahandi kandi so kinjhiho kinjhiya 7 kaiwihiyahati noaipahohiyihiyahati. Isi ko noaipatati keti neti nopisasinati owetitandihore.

12 Maasamaahipiho 10 kiyahaiwa ainjihihomimi mitihaiwetapi nutihi mmonihingiwimaiwa awaisawihiyahati kinjhiya 10 kaiwihiyahati namihanahaiwaare. Isihiyahati kinjhiya sangi watipihandi nepi noaipahopo. Isi kiya noaipati watipihandi kimo ainjihimoaisawini maasi naitaapo. Watipihandi nepi ipihomimi yunjisiha auwaahandi nehi naasaindapi kinjhiyaimatiwi isihiyahati iwinjaawi bimitaapo. 13 Siya kinjhiya noaipawaahura maariho ami amitiha nehi naasaindapi gwinyaapi kiyaami watipihandi ami wandiha ainjihihomimi numwitaapo. 14 Aiwi ami kiya Sipisipihomi Sipipihohoisawini kiyaami pwisipi yaipati nupwi nesi tunniwi yahwindaapo. Saiwi tunniwi yahwinawaawi Sipisipi Mwaaho Sipipihohomi kohematati kiyahati tiwati yahoti ipihatisataise. Ami ko awaisawihiyahati Awaisihotati ami kinjhiyahati Kinjhoso. Iyati isihiyahati komihiyaimatitaatiwi gaatati namihainjawihiyahati komi piwiha akiti akaaha baiwi japepihiriwi isiwatohiyihiyahati pwisipati sati tunnati yahwinati awaisawihiyahati neti ipihatitaise.

15 Aihi ami jihaati enjeriho ningi sandataase: “Wapahaati awaiwai taahiwaiwa noapwinyaataati apopaati kihiyahati ambipati

timaamaitisaamaati bimihi kinyi iwinjahingitimandi waapihaati saati isihiya nahatiya yapihhi nahandaahiya piwiha kiha kiha piwaatohiyihiya ami ambipati kahatamatipetisawihyaapi namihanataise. <sup>16</sup>Maasamaahipiho 10 kiyahaiwa mmonihingiwimaiwauni ainjihihouni apopaati kihiyaisati ambipati timaamaitisaamaatami tiworisaimatiwi kiya kaati manditiwiwi nepi kaati yandihhi nehi sawahaatihemapi ami kaatami apotihiri nesipamapi nepi somaahaatemaitaapo. Aiwi kaatami ambipati nepi kupwiwimapi wihoaanjihati katinihhi sisihaapihi tihoasaihi kaatinihhi tihamaitaise. <sup>17</sup>Sandi nehimaahhe. Autaahaatiho saiwa saiwi kaiwise undati neti giwunyaahonihhi kinjhiya saiwa kaitaapo. Autaahaatiho sawaho saiwa noaipaitandi jihura katati ahaihhiwaiwaaso. Isi kiya kinjhiya maariho naasohi ami amitihha naasaahi gwinyaapi naasaahiniwi kiyaami watipihandi kinjhiyaimatiwi bimitaatiwi watipihaiwa ami wandihha nehohiwaiwa nahatewa ko ainjihihohoi numwitaapo. Saiwa siyati noaipapi noti sawahomi piwiha katiwaiwaami akipipa nahataapa noipati owetonihuraatitaise. <sup>18</sup>Saati apomaati kinyi aimi iwinjahingaamimaati aunahipati awaipati ami katami kinjho kinjhiya nahatiya yapihhi nahandaahiyai osamati iwinjaati bimisihopi namihanataise,” ndataase.

#### Autaahaatiho Aunahipati Baabironihandi Aimi Neti Nopisasamataise

**18** <sup>1</sup>Saiwa siyati noaipati aimi owetihhi nini jata enjerihho asoho wo wandihaisaho yamihapataatihapi noaitipasi napihihoai iwinjataayo. Iyati ko watipihandi apipaahi awaindihandisaho. Aihhi ami komi nausainjitihandaahi yapihhi nahanda nusaatati bosaasinataise. <sup>2</sup>Aihhi ko enjero waati satati kaahandaase: “Aunahipati awaipati Baabironihandi wani aimi nosasinataise. Aimi wani neti nosasinati owendaise. Kati wani noaipati akwiripitati itipihho maipihapa nahataapa kahatamatipetahapa nasati bimitandihatimatataise. Iyati itipihho maipihapa ami kohasipihho maipihho ami wapa koho apipaahi maipihapa ainjotahapa nasati ahominati bimitandihatimatataise. <sup>3</sup>Aimi isihiya nahatiya maipihati kaiwi kati aunahipitisawi ambipati timaamaitotihandape. Kati aunahimatami waapoho wainihandi pihitiwi naniwi naharisohipatamataiwo. Aihhi ami kinjhiya yapihhi nahandaahapihiya kati aunahimatisawi ambipati timaamaitawaayopo. Aihhi ami isihiya yapihhi nahandaahiya nawihopi otipipati kiyohiyihiya maipihaiwa windi mamaawihhi kaatisawi topitaata waaki kiyohirihiretapi nawihho aungwohaiwa newaayopo. Kaati nehi kaatami maaritirihireti autaahinjaati maipihaiwa kiyahaate,” tati waapihitati kandaase.

<sup>4</sup>Aihhi utaaho womi maahomwaanji yamihapataatihapi satati noaipasihhi nini atisataayo: “Nisi isihyaate. Aunahipati kimati namasisi noaipasi napiwise wiwa kimati aunahimati maipihaiwa kiyonihhi sangimaawi



kaitaawo. Aiwi ami kimati aunahimatami maipihaiwa kaindihandapi wihoanjihandi maipihandi yaawihandi nehonihi ami sangimaawi nepipano. <sup>5</sup>Katami maipihaiwa tiwati nyepiyati kaimi napih maipihaiwa ahotimi nasati yamihapataatindaiso. Autaahaatihohi katami maipihaiwa kaiwaiwaahi biyati mmonati gwinyaahore. <sup>6</sup>Kati sangisi kasiwaiwaapi sahi baiwi gwinyaapi ami titihi kamwaanji kati kaiwi wihoanjihandi nunyawise. Kati maipihaiwa kahatamatipetahaiwa jinjihaatema kasisati nasamindihandapi ami sahi wihoanjihandi jihandi nunyawosawi ami jihaati windi tiwatihaati nunyawise. Waapoho wainihandami watipihandi nuhaati nasinyataisi ami sangisangi kati katami kaipati kaiwi waapoho wainihandi watipihandi jihaati nunyawosawi ami wainihandi apipaahi watipihandi nuhaapi kaiwi kati usaisi numwipatamataiwi nunyawise. <sup>7</sup>Sati aunahipiti sawandipi naimaatati maipihaiwa kahatamatipetahaiwa pihititi kihiyaisati kiyati timaamaitihatisi ami katami kaiwaiwaapi namihaniwi wihoanjihaiwa katisi sahi waati tiwati nyepaiwi yaawihaiwa nunyawise. Saisaihi kati ambipati yaawihandi netaati kati pihititi gwitando. Iyataati saati sawahaatapi satahaate: “Nini awaisaamaanini kwinjhaanimatiti ami nini isihiyai iwinjaati bindataayo. Aindi nini osihaamaaninimahe. Owetise. Yaasihaiwa wiwa nini netaati gwitandihaiwa windi ningisaapihi namaanoaipaitaise. Owetitaise,” tati katahaatiso. <sup>8</sup>Kaatami satati ami kaatami kaiwaiwaapi maipihaiwa yaawihaiwa kahatamatipetihaiwa kaatamiheti waara asisiha naaseti nusoaipaitaise. Timbipa waati pihititi noaipaitaise. Iyonihi isihiya pihitiwihiya taahiyihiya waati pihitiwi gwitaapo. Iyataati ami jariho aungwohandi noaipaitaise. Iyataati kati aunahipati Baabironihandi sisihara tihati katinih owemaitaise. Awaisiho Autaahaatiho watipihohi watipihandi nahatewaisaho sati aunahipati Baabironihandami kaiwaiwa mmonati nehosi ami kati aimi neti tipitapaati usonati sandaase, “Baabironihandi aunahipati awaipati neti nosasinati owetane,” tati kandaase. <sup>9</sup>Awaisawihiya kinjhiya yapih nahandaahiya maasi sati aunahipitisawi maipihaiwa kaiwi ami ambipati timaamaipi ami nawiho ikipipaami autaaahi bimambiwihiyihiyaasi jawa kati aunahipiti tihataati sitipati aungwohandi noaipahonihi jawaawi ese tiwi natipatiwi maariho katapi asipaiwi gwiwi maariho naanawisati yaawitaise. <sup>10</sup>Sati aunahipati ambipati awaindihandi yaawihandi nehonihi kiya usonawa apipaahi aungwohandi yitaapo. Saiwi yaiwi nehi kaanihi bitotawa ese tiwi natipatiwi, “Ese, ese, kinyi nopisasinapaise, kinyi nopisasinapaise! Baabironihandaje kinyi aunahipatanji awaipatanji watipihatane kinyi maipihaiwa kaingiwaiwaapi ipihomi siwipati nehi wani auwaahandi naasaindeti wihoanjihandi maipihandi awaindihandi gisaapihi nangoaipataise,” tiwi kaanihapi nehi iwinjaitaapo.

<sup>11</sup>Iyonihi ami isihiya yapih nahandaahiya nawiho naitaatiwi otipipati kiyohiyihiya aunahipati Baabironihandapi gwinyaawaawi

katapi maariho asipaiwi gwiwi maariho ambipati naanawisonihi bimitaapo. Ami sandi kiyaamihapa nawihopihapa napiwi newaawi nawiho nunyawihyaasi ami usa napiwi nawiho nunyawu namausaitaue. <sup>12</sup>Kiyaamihapa kahapaamapipa nunyawu nawiho nehohipipa gorihandi siriwaahandi ami nawiha waiwauni ami konaarapiho gaahaiwa nawiho autaahitahaiwauni ami apotihiri kihoepihaiwa gaahaiwauni ami apotihiri waiwa watipihaiwa kunyapetahaiwauni nunyawu nawiho nepihyaare. Aiwi ami kiya ipati taahipati biyati waamainjotihatuni ami maasapiho erepandihandami mangiraahi kaiwihapauni ami ipati gaahati nawiho autaahitihatami wapa kiyohipipauni ami biraasihandamuni ainihiramuni ami nawiha wa nitihitindihaami kiyohiwaiwauni nunyawu nawiho aungwohaiwa nepihyaare. <sup>13</sup>Iyataati ami wapaisangi nunyawu nawiho naitaatiwihapa siyahapa ahusotahiyaare: atipati witi waamainjotihati kaiwihatisi katuni asipati nandaatiwihatuni ami atipati taahipati kahatamatipetahaiwa biyati waamainjotihaiwauni ami atipati witi gaahatuni ami wainihanduni ami ipati oripihandami atipatuni ami waatipati parawaaho koniho witihandi kaiwihouni ami maasapiho kauhouni sipisipihouni ami maasapiho osihanduni ami osihandi kandi ikipipa ahaisaihi notaati aihonihini nehainji nutandihaiwa kaarisihaiwauni ami isihiya nawiho namepi otipipati kawitaatiwihyauni ami nehi isihiya usauni nawihopi nunyawu naitaatiwihya saiwaare. Saiwa nunyawu nawiho aungwohandi nepihyaasi ami saiwa usa napiwi namusaitaapo. <sup>14</sup>Isihiya nawiho naitaatiwi otipipati kiyohiyihya satitaapo: “Nandapa kinyi maariho gindosihini maaritipi nehingipipa aimi noti owendaise. Apipaahi gaahapa kahapaamapipa nahataapa aimi noti owendaisi kinyi kapaisi windi jihaati mausondaise,” titaapo. <sup>15</sup>Isihiya saiwa ikipipa sati aunahipiti nunyawu nawiho aungwohaiwa nehohiyihya kati aunahipiti naanati ambipati yaawihandi awaindihandi apipaahi maipihandi nehonihini usondaatiwi kiya waati akitinihi yaitaapo. Yaiwi kiya aunahipatami kaanihi bitotawa maariho asipiwijiwi gwiwi kiyaami maariho ambipati naanawitaise. <sup>16</sup>Aiwi kiya kiyaapi satitaapo: “Ese nno! Aunahipatanji awaipatane, kinyi nepi nopisasinapaise. Kinyi nepi nopisasinapaise. Jihura apotihiri apipaahi gaahapa kihoepihapa niyopi ami waiwa apotihiri sisiwaahaipihiri ami amatenihaiwa sanahiwetihapa niyopi nipaatiwi ami gorihanduni nepi ami nawiha gaaha nitihitindiha nepi ami konaarapiho gaaho nawiho autaahitihapa nepi sawahaatamiheti yundanyainahatiso. <sup>17</sup>Isi nehi auwaahandi naasaindeti kahapaamapipa gimunyaatihapa neti ahoyatoaatimbipa nosasinati owendaise,” titaapo.

Sipihaiwa nahatewaami kapitenihyauni ami isihiya pasindiyahiyaimatiwi sipihandoti nuwi napiwiyohiyihya nahatiyauni ami sipihaiwaami otipipatihya nahatiyauni ami durihiraatihi otipipati nawihopihati kaiwi nawiho nehohiyihya siya nahatiyaisangi sati

aunahipatamihini deti windi namaapiwi kaanihi bitoaitaapo. <sup>18</sup>Saiwi kaanihi bitotawa sisiha sati aunahipiti tihisihaami sitipati jawaawi kiya satitaapo: “Aunahipati maahiwiti awaipati ahendaise. Kimati aunahipati awaipimatamatiyato,” titaapo. <sup>19</sup>Satiwi ikwaatipihō waatihiri nepi kiyaami mitihoatihi ahiyaniwi maariho asipaiwi asipiniwi gwiwi maariho ambipati yaawati naanjawisonihi bimitaapo. Aiwi kiya waapihitiwi satitaapo. “Ese nno! Aunahipi awaipatani kinyi nepi nopiasinapaise. Kinyi nepi nopiasinapaise. Sipihaiwa nahatewa durihiraatihi daiwaiwaami satoya aunahipi awaimatami nawihō numwisihora kiya noaipapi nawihō ikipipa pihitahi asaketahiyaaimatawaayopo. Aihī nyahi maariho asipiyahaayo ipihō yunjisiha nehi auwaahandi naasaindetihi keti neti nopiasinataise,” titaapo. <sup>20</sup>Aihī yamihapataatihapi piwiha wa satati noaipataise: “Sahi yamihapataatihyaatuni ami Autaahaatihomi isihyaatuni ami Aposerihyaatuni ami Piropetihyaatuni nahatiyaati maaritiwise aunahipati sangisi kaisiwaiwa Autaahaatiho mmonati gwinyaahosi kandapi aimi neti tipitapaati usonati tanyaaha ahotihi katisi wihoaanjhandi naanjati yaawihandi aimi nunyataiso,” tati kandaase.

<sup>21</sup>Piwiha siyaha noaipati aimi owetihi enjerihō wo watipihō nawihā aungwonyonji winji naimaatati neti mihaapi durihiraatihi timataise. Timataati sandaase: “Aunahipati Baabironihandi kima nawima nini neti yotohitimandamataiwi waati wonamaatihi topitaata nepi yotawaayopo sati aunahipiti japihi windi mausondaatiwo. <sup>22</sup>Isi Baabironihandane upwati gitaahandamuni ami apwitihihramuni ami otipihō kapaparihiramuni ami kapa kapaami gapipa kinyi matambipotapi ganati windi namwaipaitaise. Iyataati ami isihya otipipati kati kati kaitaatiwi sikuri kaiwi amitihā gaaha nehohiyihya kinyihatihī windi bimimitaapo. Iyataati nawihā konihō witihandi jasisihaami gapipaisangi windi japihi kinyihatihapi namwaipaitaise. <sup>23</sup>Iyataati ami sisiha raamihandi kinyihatihapi windi namusoatitaise. Iyataati ami wani namaatindaatiwihya usihya asihyaami piwihaisangi kinyihatihapi windi japihi namoapaitaise. Jihura kinyi isihya otipipati nawihopihati kiyohiyihya isihyaami ndiheti awaisawihyaaimatiwi bindawaayopo. Aimbī ami kinyi onaapipa paasihiri ami gaapipati kahatamatipetahapa kiyapaise isihya yapihī nahandaahiyai jaipunditaapo,” tati ko kandaase. <sup>24</sup>Sati aunahipati Autaahaatihomi isihya piropetihyaaisuni ami isihya kopi gwunyaahohiyihyaaisuni siyihiyai tiwuwaiwaapi piwiha tanyaaha katamiheti ahotihi Autaahaatiho aimi mmonati gwinyaahore. Iyataati ami isihya yapihī nahandaahiyai tiworisa tiwotihandapisangi sati aunahipati Baabironihandeti piwiha tanyaaha ahondaise.

#### **Autaahaatihopi Yamihapataatihya Nahatiya Maaritawaayopo**

**19** <sup>1</sup>Piwiha saiwa atindi owetihi ami isihya taahiyihyaami naahutarihiri waapihitiwihiri yamihapataatihapi noaipasihi nini

atisataayo. Siri naahutariri kiya satiwi aunihihiri katawaatopo: “Areruya! Nyahi nyami Autaahaatihoai newa mepi autaahemwahaayo. Nyami Autaahaatiho kimo nehi naasohi nyangi japihi nanyamamaasihore. Ko ambipati awaipatisaho apipaahi watipihore. <sup>2</sup>Autahaatiho isihya kiyohiwaiwa neti piwiha kotihandaapihi tipitapaati mmonahore. Iyataati komi kotihandi apipaahi akitihandi ami titihi nga nehaahore. Saati apopi awaisaamimaati ambipati kihiyaisati timaamaitati kandapi ambipati neti jihimatati yapipatambi isihya nahatiyai neti nopisasataise. Aihi ami kandapi Autahaatiho kaati wihoanjhandi maipihandi nunyataise. Iyataati saati apomaati Autahaatihomi otipipatihyai topitaata siyihyai tiwamahaate. Aihi kandapi kaatamiheti piwiha ahotahaate. Aihi ami kandapi Autahaatiho kaati wihoanjhandi aimi nunyataise,” tawaatopo. <sup>3</sup>Saiwi katiwosawi, ami jihaati waapihitiwi satawaatopo: “Areruya! Nyahi Autahaatihopi maaritaati koai newa mepi autaahemwihaayo. Saati apomaati sisiha tihisihaami sitipati katinihis nasisoaari noaipatoatitaise,” tawaatopo. <sup>4</sup>Kaihi mitihiya 24 kaiwihya yamihapataatihi bimohiyihyauni ami kapihi wapa mauri mauri asitimataati nasisoaari ahotimi naiwaiwauni yatihis timahiyawi Autahaatiho konihis bimisihoapihi yatihis atotipiwesapi satawaatopo: “Akite! Areruya! Akitisi Autahaatihopi nyahis maaritaati koai mepi autaahemwaitihaawo,” tawaatopo. <sup>5</sup>Aihi Autahaatiho komi siya kinjhandasini bindataati isihyai winjatimbipihapi piwiha wa siyaha noaipasihis nini atisataayo. “Nyahis nyami Autahaatihoai newaati mepi autaahemwaitihaawo. Sahi komi otipipatihyaati nahatiyaati kopi yaiwi komi piwiha atiwiwi komi otitihis bimohiyihyaatuni ami ambipati awaipati nepihyaatuni ami ambipati namepi nehihyaatuni nyami Autahaatihoai mepi autaahemwaitihaawo,” tawaatopo.

**Mwaaho Sipisipihoho Sipipihoho Apopaati Neti  
Wirasihis Nandapa Aungwohandi Noaipataise**

<sup>6</sup>Kaihi ami nini atisataati isihya taahiyihya ahoyaniwi bindawaahiya piwiha piwaatohiamataindiha atisataayo. Kiyaami piwiha naahutarihiri waapihaati awaisaamaatami nausihaamatiyati ganataase. Iyati ami kiyaami piwiha ausaaha waati gaatipamatiyaha noaipataise. Kiya waapihitiwi piwaatiwi satawaatopo: “Nyahis nyami Autahaatihopi maaritaati aunihihiri aunihitaati gaapundaati koaisi newaati mepi autaahewaumwaitihaawo. Areruya! Ko Awaisiho nahatewa watipihaiwaisaho aimis kinjhoematati nahataapai osamati gaamati jatataiso. <sup>7</sup>Isi wani nyami maariho biyati winyaitonihis pihitaati waati maaritaati komi ambipati niwimaitihaawo. Sipisipihoho Mwaaho Sipipihohomi asisiha apopaati neti wiraitandiha aimis koaipataiso. Koaipasihis ami komi apopaati namaatitandaisaamaati namaatitandi

aimi neti timaninati kindataiso. <sup>8</sup> Aihi Autaahaatiho kaati apotihiri wiri koepihiri apipaahi sanahiwetahiri asirihiri nusaatahiri kaati niyoaitandi nunyataiso,” tati kandaase. Ami siri apotihiri kihoeperi Autaahaatihomi isihya gaahaiwa titihaiwa kiyohiwaiwaapi namihanataise.

<sup>9</sup> Aihi ami ningi enjeriho sata kandaase: “Kinyi piwiha satipi jipatipaime, ‘Isimiya usaisi Autaahaatiho aimi gaatati nunjesihi atiwi Sipisipihohi apopaati neti wirasitihandami nandapa awaimbipaapi nasohiyihya siya gaasi maaritwise,’ ” tipi jipatipaime ndataase. Iyati ami ko jihaati bapiyati sandataase: “Kima titihi akitinini Autaahaatihomi piwihaare,” ndataase. <sup>10</sup> Aihi nini koai mepi autaahepupapi komi auhiraapihi timahiyati atotipiwesonihi ami ko ningi sandataase: “Kinyi sandi windi kamaimi. Owetane. Nini nehi otipatihonine. Nini kinyi naisohonini ami gisati otipipati ninawipihikiyohihonine. Kaindi ami kinyi naisihya Kiraisihopi giwunyaahohiyihya ami ko Jisaasiho piwiha akitiha ausaasiha baiwi napaitiwi isiwahohiyihyaami naisohonini ami sangisati maasi otipipati ninawipihikiyohihonine. Kinyi nehi Autaahaatihoaisaahihiki mepi autaahepupapi aunihihiri aunihitipi kopaahihiki atotipiwesapi gaapunde,” ndataase. Ami nyahi mmonahyaane. Jisaasiho piwiha ausaasiha isihiyai neti giwunyaati nunjihiki kiya atiwi nepi kopi ausaawaayowo,” ndataase.

### Utaaho Wo Maasapiho Osiho Kihoepihoasini Yamwa Bindataise

<sup>11</sup> Aihi yamihapatami maasomwaaŋi nutihi jata maasapiho osihandi windi kihoepihandi iwinjataayo. Sandi osindaasini awitimatati bimisihomi ambipati ko otipipati kaipati nga biyati jatati ami napaitati kiyahore. Ko titihi akitinini isihiyai neti kotihandaapihi tipitapaati usonati ko titihi kiyati tunahore tati ambihinahore. <sup>12</sup> Komi ndiha sisihaami tihwitihiramatyahore. Iyataati ami komi mitihoatihi awaisawihya kinihyaami tingaatihaiwa taahiwaiwa nipaatahore. Iyataati ami ambipateti ambipati witi jipatipindahore. Sati ambipati isihya usa windi moniwi gimaawunyaatahatahi nehi sawahohihiki mmonati giwunyaatahore. <sup>13</sup> Ko apotihiri utarihiri niyosirihiri jitipataatihiki timandaapihirisi kiri jitipatisahiri nipaatahore. Komi ambipati satiwi, “Autaahaatihomi Piwihaare,” tiwi ambihitawaatopo. <sup>14</sup> Aihi ami yamihapataatihapi tiworisa pwisipi yaipa kiyohiyihya apotihiri aminahiri apipaahi kihoeperihiki popitihiri utarihiri niyopihya maasapiho osihaiwa kihoepihaiwasini awitimatihiki komi ipoti koai niwipinjai nowaayopo. <sup>15</sup> Aihi ami komi maahomwaaŋapi namatanaati wihiwihooaŋi tipa kiyati nahaapindihanaati kosasihiri nasati nimetahore isihya komi tiworisa yapihiki nahandaahiyai tsatitindo. Iyati ngirihiri watipihiri mwitipisati bitonda andititati watipitati isihiyai winjatataise. Iyati ami ko Autaahaatiho nahatewa watipihaiwasihomi

apowindihandi namihainjia nawiha awaisihaara wainihandi neti jasati namoaitaise. <sup>16</sup>Iyati komi apotihiri utaarihiri niyosirihiretuni ami komi auhiri atihiretuni ambipati kimati jipatipindataise: “Kimo kijihya nahatiyaami Kijihotati ami awaisawihya nahatiyaami Awaisihore,” tati jipatipindataise.

<sup>17</sup>Aihi ami nini enjeriho woai iwinjahonihiko ipihoaatihiko bitondaati waapihitahi koho nahataapa (isihyauni ami kohasipihiko napwihihapaami ambipati neti nanahapa) yamihapatami otihamwaaŋi pirirutati daimbipai saundataise: “Sahi napiwise. Napiwi Autaahaatiho nandapa apipaahi awaimbipa neti timanimbipaapi ahoyaniwise. <sup>18</sup>Napiwi ahoyaniwise awaisawihya kijihyaami ambipati ami pwisipi yaipa kaiwi tunniwi yahwinohiyihyaami tahaapundohiyihya kepitenehiyaami ambipati ami watipihyaami ambipati ami osihaiwaami ambipatuni ami kaiwaasini awitimatohiyihyaami ambipati, isihya nahatiya nehi kiyaisitohiyihyaamuni ami isihya usaami nehi otipipatihatiamaami ambipati ami isihya ambipati owehiyaamuni ami isihya usaami ndiheti ambipatisahyaami ambipati gwititihiko nandaatiwo,” undataise.

<sup>19</sup>Aihi nini jataati ainjihihouni ami kijihya yapihiko nahataahyauni ami kiyaami pwisipi yaipa kaiwi tunniwi yahwinohiyihyauni napiwi ahoyanawaayopo. Siya ahoyanohiyihya osihoasini awitimatati napisihoaaisawuni komi pwisipi yaipa kaiwi tunniwi yahwinohiyihyaaisawuni tunniwi yahwindaatiwi ahoyanawaayopo.

<sup>20</sup>Aihi ko ainjihihoi napuwitaatiwi isiwawaayopo. Aiwiko ainjihihomiko piropetihiko piwiha jaiwitiha awusaati kaundati ami siwipati watipihaiwa kiyati kaiwaraahi isihyai jaipundihi ainjihihomiko maakihiko nehohiyihyaaisuni ami ko ainjihihopuni ami komi siwipatapi atotipiwesawiko gaapundiwi aunihihiko aunihitiwiko koai nepi autaahiwipiko mepi autaahepumaitaatiwi jaipundati kaundisihoi maawiko isiwawaayopo. Isipiko kuri maisahuriko asururiko animwaahipati durihiko tongihiripiko nawiha saripaaha taahiko kaaniko noaatati nasasiwati tihati ahotimbipihiko nepi yotawaayopo. <sup>21</sup>O ami isihya kanaahya nahatiyaahi utaaho osihoasini bimisihomiko maahomwaaŋipiko namatanaati kosasahiriko bainatihiriko nimetinanaata tiwati kiyaisinihiko owemataise. Aihiko koho taahiko nasati kiyaami ambipati neti nga mwisasati nanati gwisimotaise.

### Bwaasirihiko Kinaungwiha 1,000 Kiyahaapi Naputataise

**20** <sup>1</sup>Saiwa siyati noaipati aimi owetihiko nini jata itipihiko enjeriho wo komi ikwiraahi animwaahipati etaihirami kihiriko isiwati ami wirihiko apipaahi awairihiko watipihiko senihandiko isisihiko yamihapataatihiraapi noaatipati napihiko iwinjataayo. <sup>2-3</sup>Noaatipati akwiranihiko aimahoko aimehuraahoko apipaahi awaisihoko, uta maipihoko tiworihoko Bwaasirihiko isiwataise. Isiwati neti koaisi kinaungwiha 1,000

kiyahaapi anitisati wisasati, animwaahipati etaihiropi neti wiwati yotati ami maahomwaanji anitisati awiha napuwati ami kaapipati tihati anitisati namasati napuwataise. Ami ko akwiraniho isihiya yapihhi nahandaahiyai jihaati windi noti nasayati daayati jaipimunditendo. Ko siyati napundimi noti kinaungwiha 1,000 kiyaha sanoti owetanihuraatitendo. Siyonihhi ipotihhi nehi apipaahi masihonjapi koai nepi nupusoasitaatiwo.

<sup>4</sup> Aihhi ami nini jataati awaisawihhiya kinjhiyaami siyaahaiwa wiwa ahotihhi kaiwaasini usa bimauihhi iwinjataayo. Siya siyaahaiwaasini bimohiyihhiya isihiya kiyohiwaiwa nepi tipitapaapi usondaatiwi watipihandi kiyai nunyawaayopo. Aindi ami nini isihiyai mitiho nisatauhi napohiyihhiyaami maarihoai usonataayo. Siya isimiya jihhi Jisaasiho piwiha katati kaiwaiwaapi “akaahaasi akite,” tiwi katiwi ami Autaahaatihomihhi piwiha ausaapi katauhi kandapi mitiho nisatauhi napohiyihhiyaami maarihore. Aihhi ami kiya ainjihihopi atotipiwesawi gaapundiwi mepi autaahepimumapi ami ainjihihomihhi siwipati maakihiri kiyaami amitetetisangi ndimaahomwaanji ami kiyaami ikwiretisangi windi ahimotahiyaare. Aihhi kiya naiwi asitimatitaatiwihandi nepi kinaungwiha 1,000 kaiwihaapi Kiraisihoaisawi maasi isihiyai ami kahapaamapipai jaawi bimohiyihhiyaare. <sup>5</sup> Sandi japihhi nepaitaatiwihandi jihapihande. O ami isihiya napohiyihhiya nahatiyaahi windi japihhi namepahopo kiya daahi nanopotimi nuwi kinaungwiha kima 1,000 kiyati saniyonihura japihhi nepaitaatiwo. <sup>6</sup> Isihiya Autaahaatihomihhiireti japepihhirohhiyihhiyai jihandi Autaahaatihho ahowimahonihhi jihandi nepahohiyihhiya maaritihhiwise napwitaatiwihandi noaipahonihhi kiya windi japihhi namaapwitaawo. Namaapopi Autaahaatihomuni ami Kiraisihomuni pirihihiyaimatiwi otipipati kawihhi ami kinaungwiha 1,000 kiyahaapi kiya awaisawihhiya kinjhiyaimatiwi Kiraisihoaisawi maasi isihiyaisuni kahapaamapipaisuni jatitaapo.

### **Bwaasirihiri Neti Apipaahi Nopisasinataise**

<sup>7</sup> Kinaungwiha 1,000 kiyati aihhi sanoti owetanihhi Bwaasirihiri kirami naputimbipihapi nupusoasisaihi kapihhi namaitaise. <sup>8</sup> Kapihhi namasisi nehihaati noaipati noti isihiya yapihhi nahanda bimohiyihhiyai jaiwunditaise. Iyataati siya isiya Gokihomihhiyaisuni ami Makokihomihhiyaisuni jaiwunditaise. Jaiwundati kiyaisi tipipa pwisipati awaipati tundaatiwo undati neti ahoaitaise. Iyonihhi kiya pwisipi yaipati kaiwi tipipa kiyohiyihhiyai ko neti ahoaindihandi isihiya waapihaati durihihrami nawasasaaha aripatamataiwihhiya jaatiwi ahoyandaapo. <sup>9</sup> Saiwi ahoyaniwesi yapihhi nahanda gaamapi nuwi isihiya ami aunahipati awaipati Autaahaatihho maariho numwisawihhiyaisuni ami numwipatisuni tiwaatihiri ahiyawihhi nesiwesipi bitiwimaitaapo. Saisaihi ami sisiha wa yamihapataatihiraapi noaatipati kiyaisinihhi

tihati owemaitaise. <sup>10</sup>Iyonih Bwaasirihiri jaiwundati daayatoatirihiri nepi sisiha durihramatiyati animwaahipatopi nimandataati nawiha wa saripaaha nasasiwati noaatati kaanihi tihatoaatisihaapihi yotawaayopo. Sa sisaapihi aimi ainjihihoaisuni ami komi piropetiho komi piwiha jaiwitih ausaasihoaisuni nepi tihoahauhi aimi tihoandihapihi nepi yotawaayopo. Kapihi kingwaasi tihoandawa apatihuni otapihaatuni kingwaasi ambipati yaawihandi kandinihi jinjapihi jinjapihi newaatitaatiwo.

### **Ipotihandi Isihiya Kiyohiwaiwa Neti Tipitapaati Mmonataise**

<sup>11</sup>Aihi nini jata gwitihosi siyaahandi windi apipaahi awaindihandi kihopihandi ahotih jataayo. Aihi sandi siyandaasini Autaahaatiho bindataise. Bimih ami komi ndimaahomwaanjapi yapipatuni ami yamihapatuni neti nawisatitahi kauri kaurinihi yanihimapi apipaahauri numwi owetamaise. Kauri japihi windi mmondaapo. <sup>12</sup>Aihi sandi siyaahandami ndiheti isihiya napohiyihya ambipatisawihyauni ami nehihyauni bitohauhi iwinjataayo. Iyauhi ami utipihaiwa wiwa sapihi nupwiyaapi ahiyauhi ahotih jataayo. Aihi ami utipihandi windisangi isihiya asitimatiwi nasisoari bimaami nutaatiwihyaami ambipati ahotindihandisangi nupwiyaapi kapihi ahiyawaayopo. Aihi kiya napohiyihya kiyohiwaiwaapi piwiha aimi utipihoaatihi ahotisiha mmonati kaiwaatihi jatata Autaahaatiho kaiwa tipitapaati usonataise.

<sup>13</sup>Aihi isihiya durihiraatihi napopi ahosohiyihyaaisangi nepasi Autaahaatihomi ndiheti niyauhi ami isihiya napopi napwaatotihanduni ami isihiya napohiyihya kiya nuwi bimohipati aunahipati namasi napitaatiwi nupusoasih Autaahaatihomi ndiheti niyawaayopo. Naiwi bitohauhi Autaahaatiho kiya nehi ninaasiyaahih kiyohipapa utipihoaatihi mmonati jatetinjati komi kotihandaapihi kiyai tipipataati usonataise.

<sup>14</sup>Iyati napotihandi ami isihiya napwauhi maariho noti bimindihanduni ko neti sisiha durihramatiyati nimandataati noaatati kaanihi nasasiwati tihatoaatisihaapihi yondaise. Sa sisa durihiri apipaahi awaindindi sisiha watipih noaatati taati tihindindi kapihandi 2 handi apipaahandi napwitaatiwihande. <sup>15</sup>Iyataati isihyaami ambipati sandi utipindi isihiya asitimatiwi bimitaatiwihyaami ambipati ahotindindaatihi windi ahimotisawihya siya nahatiyai nepi sisiha watipih durihramatiyati nimandataati nasisoari tihatoaatisihaapihi yotitaapo.

### **Autahaatiho Yamihapati Asipati Ami Yapipati Asipati Kiyati Ahiyataise**

**21** <sup>1</sup>Saiwa siyati noaipati aimi owetih nini jata yapipati yamihapati jihauri aimi noti owetih ami yapipati yamihapati asiwauri ahotih nini jataayo. Aihi ami durihirisangi kirinihi noti owendaise. <sup>2</sup>Kaihi nini



jata Autaahaatihomi aunahipati awaipati asipati wanihati Jerusaremihandi yamihapataatihi Autaahaatihooapihapi taati noatipati nasataise apopaati wohoi namaatitandi timaninati uti apotihiri gaahapa yundanyaininjati napipatamatiyato. <sup>3</sup>Aihi ami piwiha wa waapihitiha Autaahaatiho bimimbipihapi sataha noaipasihi nini atisataayo: “Atiwi ami jasawise! Autaahaatihomi aunahipati anjipihahi aimi nasati isihyaami otihapihi ahondaise ami Autaahaatiho kiyaisati maasi kiyaami Autaahaatihoematati bimitando. Iyonihiki kiya ami noaipapi titihi Autaahaatihomihiyaimatisaihi ami Autaahaatiho sawaho noaipati kiyaami Autaahaatihoematati kiyaisati maasi bimitando. <sup>4</sup>Iyati ko kiyaami kwitipati nahatiyaamihati neti niwindiwati niwisiyaipaitaise. Ami kiyaami napwitaatiwihandisangi apipaahi owetitaise. Iyati ami maariho asipaiwi gwitaatiwihanduni kiyaami ambipati yaawitandihanduni kiyaamiheti windi namausoaipaitaise. Saiwa aimi jihaiwaasi kaiwa aimi noti owetiso,” ndaase.

<sup>5</sup>Aihi utaaho siyaahandaasini bimihiho sandaase: “Jasawise! Kimba kahapaamapipa nini neti wanihapa asipipemati kaindi ahiyataayo,” daase. Iyati ami kimiko sandaase: “Kima piwima titihi akiti akaahaasi isihya kaapi akite tiwi atiwi nepi gwinyaitaatiwi jipatipaima,” daase. <sup>6</sup>Iyati ko ningi sandataase: “Nini nahataapa kaimi nundi owemahonihiki aimi owendaise. Nini Niwahonihiki Jihimatitiki bimaati ami Ipotimatitiki bimohihonine. Nini jihonimandi nahataapa namasati ahiohohoninindi ami ipotihonimandi nahataapa kaindi asitiputi kaindi owemahohihonine. Isihya waapohopi nawisawihiyai waapoho nawiho oweho nehio numwito. So waapoho asitimatitaatiwihandami waapoho taati napisihomi numwito. <sup>7</sup>Utaaho kohimatati maapi yapipatambihaiwa komi tiworisai tiwati ipihatisiho saiwa neti komihaiwatitaise. Iyonihiki ami nini noaipati komi Autaahaatihoninitisanihi ami ko noaipati nisi maasihioematitaise. <sup>8</sup>Iyataati isihya yaiwi japihititiki kiyaami giwunyaahohitihandi ausaapi kamaatiwi ami giwunyaahohitihandi namahohiyihyauni ami maipihaiwa kisohaiwa kaiwi kipati ahianihohiyihyauni ami isihya siyihiyai timahohiyihyauni ami warisai apwaatiyai namasisi gohihiyaisawi ambipati timaamaitohiyihyauni ami onaapipa paasihiri konosiha wiwaapa nepatarihiri gaapipati nepi kipiwi kaiwa kiyohiyihyauni ami autahaatiho jaiwitahopi aunihihiri aunihititiki gaapundiwi koai nepi autaaahi mepi autaahepumahohiyihyauni ami piwiha jaipipa katawaasohiyihyauni kiyaami aunahipati sisiha watipihana nawiha saripaaha nasasiwati noatati durihiramatiyati nimandata kaanihi tihimi naisihaapihi nutaapo sapihi kiya ipotihandi 2 handi napopi owetitaatiwo,” ndaase.

### **Joniho Aunahipati Wanihati Jerusaremihandi Mmonataise**

<sup>9</sup>Saiwa siyati noaipati owetihiki itipihya enjerihya 7 kaiwihya disihaiwa 7 kiyahaiwa wiwa apipaahi maipihaiwa naanijihaiwa

ahotiwaiwa ipotihaiwa isiwahoyihiyaami wo nasati ningi sandataase: “Kinyi namme, Mwaa ho Sipisipihohomi apwaataati koai nuwipaitandi yundanyaayati timetisaamaati nini neti nangisitaano,” ndataase. <sup>10</sup>Aihi Itipihohomi Gaaho nisiheti waati nasataati nisaitihi nisi ndiha nanorihaaatiji enjerihohomi itipihohomi ningi nanimaasi sisiho wo awaisihohomi apipaahi niwatiho utarihoasini naihi nini kooasini naindi aunahipati asipati wanihatiji Jerusaremihandi yamihapataatiji Autaahaatihoapihapitaati noaatipati napihohomi usonataayo. <sup>11</sup>Sati aunahipitiji Autaahaatihohomi yundanyihohomi nausainjitihohomi kateti ahondaati waati nausaatahate. Iyati ami kati aunahipitiji biyati durihiramatiyati saasanotati nausaatahate nawiha wa gaaha jaasipaaha<sup>f</sup> biyati nausaatahaasi kaamatiyato. <sup>12</sup>Iyataati ami katami matambipa awaimbipa utarihapa mihaapi yapipatetapi niyati autaa hi mihohomi niwaataatitahapaare. Iyataati ami sati aunahipitami matambipetiji maasomihohomi 12 kiyahaiwaisahate. Saiwa maasomihohomi 12 kiyahaiwaapihi ami enjerihohomi 12 kaiwihohomi bitotawaayopo. Ami saiwa maasomihohomi Isiraherihohomi satoya 12 kaiwihohomi ambipati ninaasaimwaa ni jipitipindataise. <sup>13</sup>Sati aunahipitami matambipaami onepati maasomihohomi ipihohomi noaipasihohomi ipihohomi mauri manditihohomi ami ipihohomi namaatipasihohomi ipihohomi mauri manditihohomi ami wihohomi bopitataihohomi mauri manditihohomi ami wihohomi bopitataihohomi mauri manditihohomi siyahohomi ahendaise. <sup>14</sup>Sati aunahipitami matambipaami mihaapi tanyaahaapihi yapipatetiji nawiha anaahihohomi awaiwaiwa matambipai anitisati isiwatitandihohomi 12 kiyahohomi ahiyai nuwihate. Iyati ami matambipaami ikwananaatisangi nawiha kima anaahihohomi kiyawaayopo. Aihohomi saiwa nawiweti Sipisipihohomi Sipihohomi Aposerihiya 12 kaiwihohomi ambipati ninaasetihohomi ninaasomihohomi jipitipindataise.

<sup>15</sup>Itipihohomi enjerihohomi ningi piwandisiho irihohomi wiri gorihohomi kaiwihohomi isiwahore. Siri irihohomi aunahipatami waitindihohomi napitihohomi tati namihohomi ami matambipaami maasomihohomi napitihohomi tati namihohomi ami matambipaami ikwananaati napitihohomi tati namihohomi andihohomi. <sup>16</sup>Iyataati sati aunahipitami wainjitihohomi ami utaritindihohomi nehi titihohomi naasaataatitahohomi. Ko aunahipati sati awaipati namihohomi aunahipatami wainjitihohomi ami utaritindihohomi maiwi naasaataati 2,200 sikwaaya kiro mitaahohomi. Iyataati ami matambipa yapipatetapi namasawesi autaa hi niwaataati niyotihohomi andihohomi ami naasi kamwaa ni. <sup>17</sup>Iyati ami ko ikwananaatami mwipitindihohomi namihohomi 65 mita kiyate. Siri irihohomi enjerihohomi isiwatata namihohomi andihohomi isihohomi yapatambihohomi isiwatata namihohomi andihohomi. Aihohomi siri irihohomi kira enjerihohomi aunahipati awaipati taunihohomi ami ikwananaati matambipa namihohomi andihohomi.

<sup>f</sup> 21:11 Piwiha Ingirisihohomi jasihihaare tiwi sa nawaapi ambihohomi andihohomi.

<sup>18</sup> Ikwananaati nawiha wa gaaha anaahiha watipihaara matambipa kaiwihape. O ami aunahipatihi nehi titihi gori taanahita kaiwi animatiwihatisi biyati garaasihomatiyati nusaatati jatinataise. <sup>19</sup> Aunahipatami matambipa nawiha gaaha anaahiha kahatamatipetiha 12 kiyahaiwa ambipati kihati yiyandihi ambihonahaiwaasi kaiwaara mihaapi yapipatetapi namasawi kakaami tipi naupwi notipi naiwi mihaati niwaataati namihaapihape. Iyati nawiha jiha jasipaarihaare. Kaami otiwa kambwaasitihandi karaahandi ikirotati yerotati, biraunitati amatenitati ami asisoritati girinihaare. Kapiha 2 ha nawiha sapaiyaahaare. Kaami otiwa kambwaasitihandi karaahandi biruhandi asihatahande. Ami nawiha 3 ha aketihaare. Aihi ami nawiha 4 ha emerarihaare. Kaami karaahandi asioriha girinihaare. <sup>20</sup> Aihi ami nawiha 5 ha satonikisihaare. Kaami karaahandi amatenitati ami kihoepihaare. Aihi ami kapihi nawiha 6 ha koniriyanihaare. Kaami karaahandi amatenihaare. Aihi ami nawiha 7 ha kirisoraitihaare. Kaami karaahandi ikirotati yerohaare. Aihi ami nawiha 8 ha beririhaare. Iyataati kaami karaahandi nehi kai wipetati asisoritati girinihaare. Aihi ami nawiha 9 ha topaasihaare. Kaami karaahandi nehi kai wamwaaŋi ikirotati yerohaare. Aihi ami nawiha 10 ha kirisopiresihaare. Aihi ami nawiha 11 ha aiyasinihaare. Aihi ami nawiha 12 ha ametisihaare. Kaami karaahandi nehi kai wamwaaŋi amateniha nyanyipihaare. <sup>21</sup> Aunahipati matambipaami onepati maasomwaaŋi 12 kiyahaiwa saiwa ami konaarapiho anaahiho yumbipa tamatipati marimarihiri nehi nahatohaiwa naasi naasaiwa 12 kaiwihaiwa kaiwaara kaiwihaiwe. Aiwu ami aunahipati awaipati satami daihaiwa nehi gori taanahita kaiwihaiwaare. Iyati kaiwa daahimaiwa giraasihomatiyati nusaatahaiwe.

<sup>22</sup> Aihi sati aunahipi awaipitaatihi nini jahonihi aŋaŋi awaisaŋaŋi Autaahaatihopi gaapunditaatiwihaaŋi katihini waaŋi ahimetise. Ami Autaahaatiho Awaisiho Nahatewa Watipihaiwaisahouni ami Mwaaho Sipisipihouni sawindari aŋaŋi awaisaŋaŋamataimihindaritiho. <sup>23</sup> Iyataati sati aunahipi awaipitisi ipiho waatiho yahutaati nusaatitandihandi owehate. Ami Autaahaatiho sawahomi yundanyiha nusaainjitihaandaahi sati aunahipitaatihi nusaatiho. Iyataati ami sisiha raamihandihini Mwaaho Sipisipiho sisiha raamihandamatiyahosi komihetapi sisiha aunahipataatihi biyati nusaatataise. <sup>24</sup> Iyonihi isihiya yapihini nahandaahiya sati aunahipitami sisiha nusaatati ahotisihaara niwusaatonihini sisiha keti daitaapo. Saisaihi awaisawihiya kinjhiya yapipatambihiya kiyaamihapa gaahapa anaahipipa isisi sati aunahipitaatihi nandaitaapo. <sup>25</sup> Sati aunahipitami matambipaami onepati maasomihaiwa nahatewa kaiwaanini nasisoaari nunditaise. Sati aunahipitaatihi asihatindihandi windi namwaipaitaise. <sup>26</sup> Isihiya

yapihi nahandaahiyaamihapa gaahapa anaahipipa ami kiyaami ambipati ami wapa isisi sati aunahipitaatihi nandaitaapo. <sup>27</sup>Iyataati ami wapa maipihapauni ami isihiya maipihaiwa kahatamatipetahaiwa kiyohiyihiyauni ami isihiya piwiha jaipipa katohiyihiyauni siya aunahipati sataatihi windi namindaitaapo. Apipaahi owetitaise. Nehi isihiya Mwaaho Sipisipihohomi utipihohomi isihiya asitimatitaatiwihandamihooatihi kiyaami ambipati ahotisawihiya siyaahihi sati aunahipitaatihi nandaitaapo.

**Joniho Waapoho Asitimatitaatiwihandamihouni Ami  
Ipati Asitimatitaatiwihatuni Mmonataise**

**22** <sup>1</sup>Saiwa nanisati owetihi ami waapoho waapihaati waati asitimatitaatiwihaati apipaahi gaahaati giraasihomatiyati saasanotahaati Autaahaatihouni Mwaaho Sipisipihohomi bindama isihiyai gwitiho siya kinjandaasinapi iwinjatinditihiraapi taati noati napihahaati enjeriho nanisataise. <sup>2</sup>Iyataati sati aunahipitami daihira awairihiraami titihi otihipihi ipati witi waapihaatami wihiwihini opainini ahendaise. Sati ipiti asitimatitaatiwihate. Sati ipiti yandipihohomi 12 kiyahaiwaara ningohate. Sati ipiti waatiho nahatoeti mwinati biyati yandipihohomi ningohate. Iyataati sati ipitami yananaati isihiya yapihhi nahandaahiya titihemaitandihanaate. <sup>3</sup>Iyataati ami sati aunahipitaatihi wapa Autaahaatiho windi maarimitati koai poundonihhi nemaitandihapa satihi windi ahimotati ami windi namwaipaitaise. Nehi Autaahaatihouni Mwaaho Sipisipihohomi sati aunahipitaatihi bindama isihiyai iwinjatitaise. Winjatisaihi ami kiya kindarami isihiya kindarami otipipati kawiji kindari nepi mepi autaahepumaitaapo. <sup>4</sup>Kiya Autaahaatihoami usoniwi ami komi ndimaahomwaaaji usosaihi ami ko Autaahaatiho komi ambipati kiya nahatiyaami amiteteti jipatipiwitaise. <sup>5</sup>Sati aunahipiti windi asihatimetitaise. Iyataati ami sisihauni ipihouni windi katihi namusaatitaise. Ami Autaahaatiho sawaho sisiha biyati nausaatihamatyahosi komihetapi sati aunahipatisaahi niwusaatati nausaatitaise. Siyati kiyai niwusaatonihhi kiya kinjhiya awaisawihiyaimatiwi Autaahaatihomihapa kahapaamapipa koaisawi kiyaanihi nasisoaari jatimi nowaatitaapo.

**Kiraisiho Keti Napitaise**

<sup>6</sup>Aihi ko enjeriho ningisi satati kandataase. “Kimaiwa piwaamaiwa titihi akaaha akiti kandaatonihhi kaiwaapi isihiya satiwi, ‘titihhi akaahaasi akite,’ tiwi atiwi nepi gwinyaitaapo. Ami Awaisiho Autaahaatiho piwiha komi atiwi nepi ausaahohiyihiya piropetihhiya komi piwiha awusaitaatiwi kiyaami maarihoai neti ahowimati ndiha nusorihaati giwunyaasiho, aimi komi itipihohomi enjerihoai, wapa keti kuraanihi nihitati

noaipaitandaimbipaapi komi otipipatihya nehiiyai piwiha kaundati nunjitandi natausaasataise,” ndataase. <sup>7</sup>Jisaasiho sandaase. “Atime! Nini sangisaapihi keti kimikura nihitih napito. Piwiha kima utipimoaatih piropetiha ahotisima baiwi atiwi nepi anitiwi isiwahoyihya maaritiwise,” tati kandataase.

<sup>8</sup>Nini Jonihonini kimaiwa katohiwimaiwa noaipasih nisi ndihaara mmoniti ami nisi atihira atindi nehohihonine. Nini saiwa mmoniti atindi netaati ko kimaiwa katohiwimaiwa nanisati kandisiho enjerihomi ndiheti koai mepi autaahemwaitondi komi auhiraapihi atotipiwesati timahiyataayo. <sup>9</sup>Siyonih ami kohi ningisi sandataase: “Kinyi sati saimbi windi kamaim. Nini nehi otipipatihonini kinyataindihonini ami kinyi naisihya piropetihaamataindihonini ami piwiha kimaiwa utipimo kimoaatih kima piwima atiwi nepi baiwi napaitiwi japepihrohoyihyaam ataindihonine. Kinyi nehi Autaahaatihopaahihi atotipiwesapi gaapundipi nehi koaisaahihi mepi autaahepumape,” ndataase. <sup>10</sup>Iyataati ami ko sandataase: “Kima piwima piropetiha ipoti noaipaitandihaiwaapi katati ahotindimandi utipimandi anitimbi namaasapi kaapipata kaapaimbi ahimaaye kimaiwa noaipaitaihi katohiwimaiwa noaipaitandi asisiha aimi detiso. <sup>11</sup>Isihya maipihaiwa kaimi niyohiyihya gaasi kiyaanihi maipihaiwa kaimi nuwise. Ami isihya ainjotati ami kisotati kipohaiwa kaimi niyohiyihya ami gaasi kiya kaiwa kisotati ainjotahaiwa kiyaanihi kaimi nuwise. Iyataati ami isihya titih gaahireti japepihiriwi titih gaahaiwa kiyohiyihya ami gaasi gaahaiwa kiyaanihi kaimi nuwise. Iyataati ami isihya titih gaahya ainahiyihya Autaahaatihomi ndiheti kiyai yandih Autaahaatihomihapaapaahaiwi bimohiyihya ami gaasi sikaiwi gaahya ainahiyihya komihapaapaahaiwi bimaawise.

<sup>12</sup>Jisaasiho sandaase: “Atime! Nini keti kimikura napito. Isihya dipiwaatiwi kiyohiwaiwaapi wihoaanjhandi numwitandihandi kimandi aimi isitihonine. Isitihoninisi isihya kiyaami otipipati kiyohirihireti jatetinjati wihoaanjhandi numwito. <sup>13</sup>Nini jihimatiti bimaati ami ipotimatiti bimohihonine. Aindi ami nini nahataapa namasati ahoyohihoninindi ami nahataapa kaindi asitipuhohihonine. <sup>14</sup>Isihya kiyaami apotihiri kihoepihiri baiwi bausohiyihya maaritiwise<sup>8</sup> ipati asitimatitaatiwihatami yandipih nga nandiwi nandaawo. Aiwi aunahipatami matambipaami onepati maasomwaanjihiraapi nga nandaapi mihatih aunahipati awaipataatih taunihandaatih naiwi nandaitaawo. <sup>15</sup>Aunahipatami ipaahaapi nehahaati bimitaatiwihya suhiyauni ami apipaahi maipihaiwa ainjotahaiwa kiyohiyihyauni ami isihya wiwaapa, onaapi paasihiri nepatarihiri konosha ami gaapipati

<sup>8</sup> 22:14 kima piwima tanyaaha satatise: Isihya Jisaasihopi giwunyaahauhi ami komi jitipata kiyaami maipihaiwa aimi bausati nemwasawihyaapise.

isiwasohiyihyauni ami isihya warisa apwaatiyaametahiyaisawi ambipati timamaitohiyihyauni ami isihya siyihyaisi timahohiyihyauni ami autahaatiho jaiwita hopi gaapundiwi aunihihiri aunihitiwi mepi autaahepumahohiyihyauni ami isihya jaipipaisi maariho mitaahi nunyawimapi jaipipa pihitiwi katimi nowaasohiyihyauni siyaahi aunahipati taunihandaatihi kiyawa windi namandaapi nehahaati ipaahaapititaapo.

<sup>16</sup> “Nini Jisaasihonine. Nini niwahonini nisi itipihohi enjerihoai nandusoasataayo nisi isihya nisapi ginunyaahohiyihyaapi piwiha kimaiwa sangi kasatitanda. Nini Daawitihomihetapi noaipahohiyihyaamihetapi Ipi Isitihonini Nematihonine. Aindi ami nini Daawitihomi satihonini mwaahonine. Aindi ami nini kaumbwaati nipaatihaatamataindi asisahaatihi waati bosainjati nausaatohihonine,” ndaase. <sup>17</sup> Aihohi Itipihohi Gaahouni ami apopaati wohohi namaatitandi timetisaamaatuni satamaase: “Kinyi namme,” tamaase. Aisi ami sahi isihyaati nahatiyaati piwiha kima piropetiha atiwi nehohiyihyaatangisangi satiwi: “Kinyi namme,” tiwise. Iyataati ami sahi waapohopi nasisawihyaati Autahaatiho waapoho asitimatitaatiwo nawihohi oweho nehohi nasamitandi nasimendaisi ami nawihohi oweho nasamitaisi sahi napiwi nepise.

### **Jonihohi Isihyaati Kima Piwima Piropetiha Atisohiyihyaati Jaawo Ndaase**

<sup>18</sup> Isihyaati nahatiyaati kima piwiha piropetiha ipoti noaipaitandihapaapi atisohiyihyaati jaawihyaato, wiwawa piwiha nehaha bipinjawi kima piwimaisawi ahimaayawise ami Autahaatiho isihyai maipihaiwawa wiwawa numwitandi utipihohi kimoatihapi katiwaiwawa ami bihiwainjati nasamitaiso. <sup>19</sup> Iyataati ami utaaho wo piwiha piropetiha ipoti noaipaitandihapaapi kimo utipihohi ahotisiha nemataataahi ami Autahaatiho aunahipati wanihahaatihi isihya nandaapi ami ipati asitimatitaatiwihati nandaatiwihandapi utipihohi kimoatihapi wihohaapihapa napiwi saiwi naitaapo tati katimbipaami kopihapa nemaitaise.

<sup>20</sup> Utaaho kimaiwawa piwamaiwawa ausaati katisihohi sandaase: “Akitinihi nini kimikuraanihi keti napito,” ndaase. Akite! Awaisihohi Jisaasihohi, kinyi namme.

<sup>21</sup> Awaisihohi Jisaasihohi sahi komi isihyaati nahatiyaatangi gaahati kasisati sami maariho ambipati neti napaisaatismaitandi nini sapi gaapisundataayo. Akite.